

182. Nd. 875.1.

RARE BOOK

সিং হ ল-বি জ য়



কাব্য।

OR

THE CONQUEST OF CEYLON

BY

VIJAYA A PRINCE OF BENGAL.

AN EPIC POEM.

শ্রী শ্যামাচরণ শ্রীমানী প্রণীত।

সম্বৎ ১৯০১।

CALCUTTA.

PRINTED BY BEHARY LALL BANNERJEE
AT MESSRS. J. G. CHATTERJEA & Co's PRESS,
116, AMHERST STREET.

PUBLISHED BY THE SANSKRIT PRESS DEPOSITORY
NO. 30 BECHOO CHATTERJEE'S STREET.

1875.

(76)

ভূমিকা ।

বর্তমান কালে বঙ্গের দুর্বস্থা দেখিয়া অনেকেই অনুমান করেন যে, হীনবীর্য্য বঙ্গসম্ভানগণ কোন কালেই যুদ্ধ-বিগ্রহাদি কার্য্যে সংস্কৃত হইবেন নাই এবং হইবেনও না। ভবিষ্যতের অপরিজ্ঞেয় গর্ভে যে কি অশুনিহিত আছে তাহার পরিজ্ঞান মানব-বুদ্ধির অতীত ; কিন্তু অতীত কালের ঘটনাবলী সংগ্রহ করিতে পারিলে যে উপরোক্ত মতের প্রতিকূলে দণ্ডায়মান হইতে পারা যায় ইহা অবশ্যই স্বীকার করিতে হইবে। আঙ্লানদের বিষয় এই, অধুনা অনেকেই চক্ষুঃস্মীলন করিয়া এতৎ-সংক্রান্ত বিষয় সকলের আলোচনায় প্রবৃত্ত হইয়াছেন। পাঠক! ইহাই আমার উপস্থিত কাব্য-রচনার উত্তেজক। বঙ্গ-রাজকুমার বিজয় ৫৪৩ পুঃ খৃঃ সাত-শতমাত্র সহচর সমভিব্যাহারে লঙ্কাদ্বীপ অধিকার করেন—ইহা স্বদেশ-গৌরবাকাজ্জী ব্যক্তিদিগের পক্ষে অল্প গৌরবের বিষয় নহে! তদ্বিবরণ বর্ণনাই আমার কাব্যরচনার মুখ্য উদ্দেশ্য।

এস্থলে কেহ কেহ জিজ্ঞাসা করিতে পারেন, এই ঐতিহাসিক ঘটনা কাব্যচ্ছলে বর্ণনা করিবার উদ্দেশ্য কি? তদুত্তরে বক্তব্য এই—“মহাংশ” লিখিত সংক্ষিপ্ত মূলমাত্র অবলম্বন করিয়া আমার এই গ্রন্থ বিস্তৃত হইয়াছে ; ঐতিহাসিক প্রণালীর আশ্রয় গ্রহণ করিতে

হইলে কেবল বিড়ম্বনারই জন্ম হইত, বোধ হয় কপর্দক ব্যয় স্বীকার করিয়াও কেহ ইহাতে আসক্ত হইতেন না ; কিন্তু সামান্য বর্ণনাও কাব্যে অসামান্য শ্রীসম্পন্ন হইয়া থাকে বলিয়াই, আমি এই পথে পদার্পণ করিয়াছি ।

তবে কি আমি এক জন কবি? আমার পূর্বে কথায় রসিক পাঠকের মনে এই প্রশ্ন উত্থিত হইতে পারে । আমি কবি হই বা না হই, কবিতা-দেবীর মুগ্ধকরী মোহিনী-শক্তি-বলে মাতৃভক্ত ভ্রাতৃবর্গ, জননীর বিজয়-ঘোষণায় মোহিত হইতে পারেন ! তাহা হইলেই যথেষ্ট । তবে যদি, পাঠক স্বেচ্ছাপ্রবৃত্ত হইয়া আমাকে কবি বলিতে চাহেন বলুন, অথবা প্রলাপজ্ঞানে বাতুল বলুন, তাহাতে আমার ক্ষতি-বৃদ্ধি নাই, কারণ হীনবীৰ্য্য বঙ্গ-সন্তানগণকে বীর-রসাস্বাদনে উত্তেজিত করা বাতুলেরই কার্য্য !!

সিমুলিয়া স্ট্রীট

কলিকাতা ।

২৯ মাঘ । সন ১৯৩১

শ্রীশ্রীকারমা ।

বিজ্ঞাপন ।

এই কাব্যোল্লিখিত ব্যক্তিগণের মধ্যে “ ভার্গব, সৌদামিনী, প্রভাবতী, মন্ত্রী, জয়সেন, বিরূপাক্ষ এবং বিশালাক্ষ এই কয়জন ব্যতীত আর সকলই ঐতিহাসিক ।

সিংহল-বিজয় কাব্য ।



প্রথম সর্গ ।

ওমা বাক্য প্রসবিনি, কল্যাণ দায়িনি
বাণি, উর গো মা আজি এ মুঢ়ের চিত্ত-
সিংহাসনে ! ত্রীচরণ প্রসাদে এ দাস
গাইবে গো, বন্ধ রবি, হে ভারতি, যবে
উজ্জলিল লঙ্কাদ্বীপ—নবগীত, মাতি
নব রসে । কি ভয় অভয়ে, যারে তুমি,
ভাব প্রদায়িনি, কর দয়া—কে ডরে মা
ভাবার্ণবে হইলে স্নকাণ্ডারী তারিণী!—
আরো ভিক্ষা মাগে দাস, তৰুণী কম্পনা,
তব দাসী, বিমোহিত যার মায়া জ্বালে
ত্রিভুবন—কুহকিনী, কনক বরণী ।
তঁারে লয়ে এস দেবী, আবর আমায়
দিয়া পদ ছায়া, মহানন্দে গো জননি,
করি আমি জন্মভূমি-গৌরব কীর্তন !
নমি পদে, জীমধুসূদন ! অবগাহি
স্বখাত সলিলে তব, পরম নির্ভয়ে
হংস যথা, মানস সরসে ! মোরে দেহ

বর; হাসিতে হাসিতে ভাসি যেন দেব,
মধু কবিতা সাগর-তরঙ্গ মাঝারে!

যথা লোকালোক(১) পারে বসেন বিধাতা,
এড়াইয়ে ভূমি স্বর্ণময়, শচী সহ
উতরিল আসি দেব ত্রিদিব ঐশ্বর,
দেবেন্দ্র সুধীর। হুতু মরাল গমনে
পশিলা দেব দম্পতী বিষ্ণুর সম্মুখে;
পারিজাত পুষ্প মালা, পূর্ণ সুসৌরভ,
নমিয়া অর্পিলা দোঁছে ক্রীহরি চরণে,—
শোভিলা ক্রীপাদ পদ্ব অহা মরি, মরি!
পূর্ণ শশধর যথা, তারা হার মাঝে।

আশীবি দেবেরে, দেব হাসিয়া কহিলা—
উজ্জলিল ত্রিভুবন; সপ্তস্বর হ'য়ে
মৃতিমান, বহিলা সে সুস্বর হিল্লোল
দশ দিকে; করিল পীযুষ পান দেব
পুরন্দর সহ শচী;—“আছি জ্ঞাত আমি,
যেহেতু আইলে এথা নমুচি-স্বদন!
ভুঞ্জিয়াছ, বলি! ত্রেতাযুগে মহাক্লেশ,
দুর্বার রাবণ হ'তে;—ভৃষ্ণ যক্ষদল
এবে আচরিছে তথা কদাচার; নারে
মহী সে ভার বহিতে;—তাই দুঃখী তুমি

(১) বিষ্ণুপুরাণে কথিত আছে লোকালোক পরন্তু
শ্রেণী ব্রহ্মাণ্ডের অন্তঃসীমা। মুসলমানেরা উক্ত পরস্তুকে
কাফ” ও প্রাচীন ইউরোপীয়েরা আটলাস কহে।

স্বরি সেই পাপ জ্যোতঃ বসুধার সহ,—
 মহৎ যে জন সেই কাল্পে পর লাগি ।
 আরো তুষ্ট আমি সাক্যের তপঃ প্রভাবে ; —
 চীন, লঙ্কা, ব্রহ্ম আদি দেশে সে কারণ,
 শোভিবে বৌদ্ধ পতাকা, আমার ইচ্ছায় ;
 বহুকাল থাকিবে তোমরা সদা স্মৃথে,
 বিস্তারি বিক্রম ভারত উপরে পুনঃ—
 অতএব সবে মিলি সাধ হিত । এবে
 শ্বেতদ্বীপ(১) শৃঙ্গে যথা, দেবী সরস্বতী
 বিহরিছে শত দলে মনের উল্লাসে,
 যাও তথা ; তাঁর সহ করিয়ে মন্ত্রণা
 স্বর্ণ লঙ্কাধামে আশু, করহ প্রেরণ
 কুমার বিজয়ে, বন্ধাধিপাশ্বজ বীর ;
 অপর করিব আমি যে হয় বিধান ” ।
 নীরবিলা দেব দেব, অমৃত বর্ষিণী !
 প্রণমি সাক্ষাৎ তবে মহেশ চরণে,
 শূন্য মার্গে চলে আশুগল, ফুল্ল স্বর্ণ-
 ফুল-দল-সম শচী দেবী সহ, দিব্য
 ব্যোম যানে—উদিল অরুণ যেন নীল
 গগনে ! কতক্ষণে শ্বেত শৃঙ্গ দিলেক
 দর্শন, কিবা রজতের কাস্তি ! ছায় রে,
 যুথপতি ঐরাবত, স্নান বপু তব

(১) “ শ্বেতদ্বীপ ” মৎস্য পুরাণে ইহাকে অস্তগিরি ও
 রজতো-মহান বলিয়! উল্লেখ করে ।

সিংহল বিজয় ।

তার কাছে !—অদূরে শোভিছে প্রবাহিনী,
পবিত্র সলিলা ; কত শত প্রভ্রবণ
বরিষিছে মুক্তা রাশি কে পারে গণিতে ;
শ্বেতাধ্বজ শতদল, দলে দলে জ্বলে,
ভাসিছে হিল্লোলে, তাহে পূর্ণ শশি সম,
শোভিছেন দেবী শ্বেতাজিনী বীণাপাণি !
নিরখিরে পৌলোমী দেবেস্ত্রে, হাসিয়ে কছিল
মাতা—“ জানিয়াছি সব ধাতার ইচ্ছায়
হে দেব ঈশ্বর ! এবে যাও তুমি স্মৃথে
নিজ স্থানে, সাধিব এ কার্য্য অবিলম্বে
আমি । অসুষ্ঠিবে অত্যাচার সিংহবাহু
স্মৃত ;—বারে বারে নিষেধিবে নৃপমনি ;
না শুনিবে বিজয় কেশরী, মম মায়ী
বলে ;—তাজিবে ভূপতি কোপে প্রাণ পুত্র
বরে । তার পর, লইবে তাহারে তুমি
সিন্ধু পারে, লঙ্কাধামে যক্ষ দল মাঝে ।”
এতেক কহিয়া, ল’য়ে রজত কমল
করে, শচী কবরীতে সোহাগে রাখিল
দেবী, আশীষি তাঁহারে ; কিবা শোভা তার !
ভাতিলা স্থিরাদামিনী নবঘন কোলে !
হৃষ্ট মনে দেবরাজ দেবরাণী সহ.
নমি পদে গেলা চলি আপন আলয়ে ।
অস্তাচলে যায় রবি লোহিত বরণ,
কিঙ্ক ম্লান অতি, কমল বিচ্ছেদে বুঝি ;

প্রথম সর্গ।

হাসিয়া পশ্চিম দিক্ কহিলা তাঁহারে—
“ চির সূখী নহে কেহ এ মহীমণ্ডলে ! ”
স্থানে স্থানে মেঘ দল সুরণে মণ্ডিত,
শোভাময়, বিমোহিলা ক্লাস্ত জীবকুলে ;—
স্রোতস্বতি নির্মল সলিলা ভাগীরথী
ধরিল। সে ছবি দেবী আপন হৃদয়ে ;
বৈরীভাব তাজ্জি তথা দেব প্রভঞ্জন,
চুন্নি ঘন ঘন যুদ্ধভাবে, আন্দোলিলা
নদী হৃদি, স্রুচাক হিল্লোলে, হায়, যথা,
নব প্রণয়িণী হিয়া, হেরি প্রাণপতি, বহু
দিনান্তরে ! মহানন্দে পাখী কুল পিয়ে
শিঞ্জ বারি, কুলায়ের অভিমুখে ধায়
হৃষ্ট মনে, সহ প্রিয়জন । কমলিনী,
শিলীমুখ ধাত্রী, ক্লাস্তা একে ভৃঙ্গবরে
করি স্তন্য দান—এবে পতির বিরহে
মুদিলেন অভিমানে সতী । ফুটিল যে
কতশত কুল কে পারে গণিতে—মরি
কিবা শোভা তার ! সুরসৌরভে ধরাধাম
পূর্ণ একেবারে ; গঙ্গবহ ভারাক্লাস্ত,
তাই যুদ্ধ মন্দ ভাবে, করিছে গমন !

এ ছেন সময়ে তথা বিজয় কুমার
জাহ্নবীর তটে বীর আসি উপস্থিত,
সেবিত্তে সুরসেব্য বায়ু—নন্দন কাননে
যথা, মন্দাকিনী কূলে বিজয়ী বাসব,

সিংহল বিজয় ।

মদন ঘোহন রূপে । পাইয়ে সখর—
সৌদামিনী (১) স্মৃপূর্ণা যৌবনা, বারাজনা—
আনিলেন, তারে তথা দেবী সরস্বতী
পুরাইতে বাসব বাসনা ; উদি হৃদে
তার । অমুপম রূপে তার উজ্জ্বল
কুঞ্জবন, উজ্জ্বল কিরণে ; আঁধি ছুটী
ব্রহ্মগতি, চঞ্চল খঞ্জন সম, দিক
দশে চমকিলা ; পীম পয়োধর স্বয়,
হৃদি সরসে ভাসিছে, যমজ কমল
সম ; কিবা স্মৃচাম নিতম্ব তুলিতেছে
কুঞ্জর গমনে—তাছে খেলিছে মেখলা
নির্বর যেমতি, শৈলবর-দেহ মাঝে,—
নয়ন আনন্দপ্রদ ! এ চাক ষোড়শী
লাগিল তুলিতে ফুলচয়, সমুদ্রাসে—
কিবা শোভা হইল তখন—নৈশাকাশে
যথা, ব্যোমযান উদ্দীপ্ত আশুণে, তারা-
দল লাগিল চুম্বিতে ! হেরিল বিজয়
তায়, লৌহ খণ্ডে চুম্বক যেমতি, করে
আকর্ষণ, আকর্ষিল যুবতী যুবকে ;
হায় রে, পতঙ্গ ধায় পুড়িয়া মরিতে !
চতুরা অঙ্গণা বুঝিয়া মনেতে, ধনী

(১) সৌদামিনীর উপাখ্যানটী কল্পিত। মহাবংশে
ইহার কিছুই নাই ; তাহাতে বিজয়কে যথেষ্টাগারী বলিয়া
উল্লেখ করিয়াছে, এই মাত্র ।

প্রথম সর্গ।

খেলিলা চাতুরি—কপট লজ্জার ছলে
আবরিলা প্রকুল আনন, মুহু হাসি—
খেলিয়া চপলা বধা, লুকাল মেঘেতে !
সম্মোহন ফুল শর পশিল হৃদয়ে—
কুমার জ্বলিয়া তার, কহিলা তাজিয়া
লাজ ভরে—“একাকিনী এ সুরমা বনে
কেন আজি স্থলোচনে, সূচাক হাসিনি,
এই স্নমময়ে মোরে কহ শশিমুখি !
কোন্ দেব তোমার বিরহে, কোন্ পাপে
ভাসিছে দুঃখ সাগরে ? কোন্ গৃহস্থীপ
শূন্য করিয়াছ তুমি ? নাশিবারে দাসে,
কি মায়া পাতি করিছ ছলনা ? নহেত
কোন দোষে দোষি তব পদে দাস,
সুবদনে, পরিচয়ে জুড়াও পরাণ !
তৃষিত চকোরে তোষ বাক্য সূধাদানে,
নতুবা তাজিৰ প্রাণ এই মম পণ !”

শুনি, চিন্তিলা রূপসী ক্ষণকাল, মৌন
ভাবে—আছা মরি ! (পদ্মাসনা বাক্‌বাণী
হৃদয় কমলে তার, বসিল তখনি,
ভাব গঠাইতে) দশনে অধর চাপি—
বিস্বফলে শোভিলা মুকুতা যেন !—“রাজ-
পুল, আছা রমণী বল্লভ, রতিপতি
রূপে ; এ যে দেখি বন্দি আজ মম প্রেম
পাশে ; অহো ভাগ্য মম !—কিস্তু বধা, পশ-

রাজ্য করিয়ে বিচ্ছিন্ন ব্যাধ-জ্বাল বাহ-
 বলে, ধায় নিজ পথে ; এ নৃপতনয়
 সেইরূপ অর্থবলে, ছেদি মম প্রেম
 ফাঁস, নারীর হু কত পারেন লভিতে ;—
 নাহিক অসাধ্য কিছু জগতে ইহাঁর !
 অতএব বুদ্ধিব ইহাঁর মন । অহো !
 জানি আমি এই সিংহপুরে (১) প্রভাবতী
 নামে আছে বণিক ভূহিতা অনুরূপ
 রূপের আমার—ঠিক্ যমজা যেমতি,
 একই বয়স ! নবাগতা আমি এথা,
 নাহি চিনে কেহ মোরে ;—তঁার পরিচয়ে
 তবে লভিব ইহাঁরে । বণিকের দাসী
 হয় মম সহচরী ;—সাধিব এ কার্য
 আমি তার বুদ্ধিবলে—কারে নাহি চাই !
 যবে প্রভাবতী লাগি অধৈর্য্য হইয়া
 ভ্রমিবে কুমার, পদানত লব করি ।”
 মনে মনে লঙ্কাভাগ করিল সুন্দরী !

অধৈর্য্য নাগর, দেখে হেথা, মম্বথের
 অব্যর্থ সঙ্কানে । না পেয়ে উত্তর তার
 কহিলেন পুনঃ—“ কহ অবিলম্বে প্রিয়ে
 বিলম্ব না সয়, বাঁচাবে, মারিবে কিবা,
 আশ্রিত এ জনে, কৃপা করি এ অধীনে !

(১) সিংহপুর লাল প্রদেশের রাজধানী, বঙ্গ ও মগধ
 দেশের মধ্যস্থিত ।

যুদ্ধ বীণাস্বরে, ঈষৎ তুলি আনন,
 কহিলা মনোমোহিনী মোহিয়া মোহনে—
 “এ কথা কি সাজে, ওহে রমণীভূষণ !
 নৃপতি নন্দন তুমি—দাসী আমি তব—
 নহি দেবী বা অপ্সরা—তব প্রজ্ঞা, বাস
 মম এইত নগরে—ভার্গব বৈদেহ
 সূতা নাম প্রভাবতী—শৈশব বিধবা
 আমি চির বিরহিনী, নাহি জানি কভু
 পুরুষ কেমন । ছাড় পথ রাজপুত্র
 যাইব ভবনে ।” উত্তরিলো নৃপাত্মজ—
 “একি কথা অনুরূপ, সুন্দরি, তোমার ?
 নাহি জানি পঙ্কজের মাঝে কভু রহে
 আশী-বিষ, বা দুগ্ধেতে গরল ! কেমনে
 মধু ভাষিণি, এ বাণী-অশনি আঘাতে,
 চাহ বধিবারে পদাশ্রিত জনে ! যদি
 যাও হে চাক লোচনে, না আশ্বাসি মোরে ;
 ভাসাইব তব পদ, প্রতিজ্ঞা আমার,
 এই হৃদি রক্তস্রোতে ! যা হয় বিচারে
 এবে” ! এত বলি নিষ্কাসিলা অসি, স্বর্ণ
 কোষ হতে, ভঙ্কর । হাসিয়া ধরিল
 হস্ত সুকোমল করে সৌদামিনী, অতি
 মোহিনী ভঙ্গিতে ;—শিহরিলো রাজপুত্র
 স্পর্শ সুখ লাভে ;—পড়িল রূপাণ খসি,
 না জানে কুমার, তুমি পরে ! কি বিষম

শক্র তুই ওরে রে মম্বাথ, এ ধরায় !
 ভ্রষ্ট ধর্মকর্ম জীব, তোর পরাক্রমে—
 কেন না মরিলি তুই, হর কোপানলে ?
 পরে কছিল যুবতী মধুমাথা স্বরে,
 মধুকর গুঞ্জন যেমতি—“সম্বর হে
 গুণাকর নাগর কুলের শ্রেষ্ঠ ! একি
 কাজ সাজে হে তোমায় ? চন্দ্র-নিভানন
 হেরেছি যে ক্ষণে, কি ক্ষণ সে ক্ষণ নাহি
 জানি ; সে অবধি মাতিয়াছে মম মন—
 মানে না বারণ, দুর্কার বারণ সম ;—
 ত্যজি লাজ, কামিনী প্রকৃতি ধর্ম, খুলে
 বলিলু তোমায়, ওহে জীবিত ঈশ্বর !
 এবে মরিব বাঁচিব তব প্রেম স্নধা
 সংযোগ বিয়োগে ! বরিলাম, বল
 কি দোষ পুনঃ বরিতে ? তারা মন্দোদরী
 অসামান্য বীর প্রসবিনী—পতিতা কি
 তাঁরা ? তাই বলি, বরিলাম রসময় ;
 করিলাম দেহ মন সব সমর্পণ,
 হৃদয় বল্লভ, তব পদে ! দেখ যেন
 কুলটা বলিয়া ঘৃণা কর'না আমার
 এর পর ; বাঞ্ছা কাটাইব স্নখে কাল,
 বাঁধিয়ে এ ভুজ পাশে বরণীয় বপু
 তব, যথা হে, মাধবী সতী স্নখ-মধু
 কালে, রহে আলিঙ্গিয়ে আশ্র শাখা !” শুনি

সোহাগে গলিলা যুবা—ধরিয়া চীবুক
 প্রেয়সীর, ইচ্ছিল চুষ্টিতে মধুপূর্ণ
 বদন পঙ্কজ স্নকোমল। তা বুঝিয়া
 সে চতুরা, ধরি হাত, কহিলা সত্তরে—

“শুন মম প্রাণনাথ, দাও হে বিদায়
 এবে—কুলবালা হই আমি ; থাকে যদি
 দাসী মনে, নিশাকালে গুপ্ত দ্বারে দিবে
 দরশন, মমালয়ে—পুরা’ব বাসনা।”
 এতেক কহিয়া স্নচাক বদনী, ধনী
 সৌদামিনী, স্নলোচন অক্ষয় তুণীর
 হইতে, হানিয়া বিষ-ময়, তীক্ষ্ণ শর-
 সম্বোধন, হেলিতে তুলিতে, সিদ্ধ করি
 কাষ, চলি গেলা ভুবনমোহিনী। হায়,
 অন্ধকার হ’ল কুঞ্জবন; মন হুঃখে
 দিননাথ আবরিলা মূর্ত্তি আপনার
 অস্তাচল আড়ে ; প্রকাশিল শুক্রদেব,
 নিশাদেবী দূত, তুষ্টিতে প্রতীচী দিকে,
 কোমল কিরণে। সখিত পাইয়া যেন,
 রাজার নন্দন বিচারিল মনে—“একি
 স্বপন দেখিলু আমি ? দাঁড়িয়ে কি নিত্ৰা-
 দেবী দিলা আলিঙ্গন, ছলিতে অধমে ?—
 পুষ্প তবে কে তুলিল এ স্থান হইতে ?
 কেন বা রূপাণ মম ধূলায় লুপ্তিত,
 নিষ্কাশিত ? কোমল চরণ চিত্ত কেন

এই স্থলে,—ঠিক আসিয়া গিয়াছে যেন ?
 নহে এ স্বপন, ভ্রম ;—সত্য এ ঘটনা--
 প্রভাবতী অমুপমা রূপে, বরিবেন
 অধমে—এ ভাগ্যে কি সে সৌভাগ্য হবে রে
 উদয় ? যাইব সঙ্কেত স্থানে যা ঘটে
 কপালে ।” এই রূপে নানা তর্ক করিছে
 বিজয়, মঞ্জু নিকুঞ্জ মাঝে, মনে মনে ;
 হেনকালে তথা দেখা দিলা আসি, সখা
 অমুরাধ ! এক প্রাণ মন যার যুবরাজ
 সহ, যথা জীরাম লক্ষ্মণ, বা যথা,
 অশ্বিনীকুমারদ্বয় । হেরি বন্ধুবরে
 গভীর চিন্তা-সাগরে আছেন নিমগ্ন,
 হৃদয়স্বরে ভাষিল বয়স্য সম্মুখীন
 হ'য়ে—“ একি ভাব সখে ! অসম্ভব এয়ে ;
 কি জন্য নির্জনে ভাবিছ একাকি ? কেন
 খড়া, বাস যার রিপু হৃদি মাঝে, কেন
 আজি লোটে ধরাপরি, বিনা আবরণে
 লজ্জিয়া দামিনী উদ্দীপ্ত ভাতিতে ? হায়,
 কেন কেন বিরস বদন ? নিশ্বাস সঘনে
 কেন বহিতেছে ? একি ! পঙ্কজ-লাঞ্জন
 গুস্তুল-রাগ ক্ষণে ক্ষণে, প্রকাশিছে
 কেন, লজ্জার নিশান ? বল সখে, সহে
 না বিলম্ব আর । কি লাজ হে যুবরাজ,
 খুলিতে মনের দ্বার, প্রাণের বান্ধবে ?

ডরে কি পরিষ্কৃত নদ সিন্ধু সংঘিলানে ?

কহিলা কুমার সুকোমল কণ্ঠস্বরে
অতি ধীরে ধীরে—“বলিব কি সখে, নাহি
সরে বাক্য মম অর, দাক্ষণ মম্বথ
পীড়নে ! আছে কি প্রিয় বয়স্য, এ ছার
নগরে, রমা-জিনি-রূপে রামা, ভার্গব
বনিজ স্ত্রী, নাম প্রভাবতী ?—রে মন,
একি মতিচ্ছন্ন তোর ! সেই স্ত্রীদনী
সুধার আধার, রছে কি তাহায় কভু
গরল ভীষণ ? আপনি কহিলা দেবী,
মম প্রাণপ্রিয়া, অবিশ্বাস তুমি তাঁরে !”

এত বলি তুলি নিলা করে করবাল—
করাল মুরতি যার, নাশিতে সন্দিগ্ধ
মনে, নিৰ্বোধ কুমার । নিবারিয়ে মিত্র-
বরে প্রেম আলিঙ্গনে, কহিল সুহৃদ
সুমিষ্ট সুস্থরে—“উতলার কার্য নহে—
ধর ধৈর্য ধীর ; প্রভাবতী নিরূপমা
নারী এ জগতে, আছে সত্য এই স্থানে ;
এ পাপ নয়নে, হেরিয়াছি তাঁরে, পতি-
হীনা ধনী, রসসিঙ্গে নবীন তরণী !
কহ সখে ! কেমনে হেরিলা তাঁরে, কিবা
কথা কহিলা কামিনী, বাহাতে উন্মত্ত
তব মন ? নৃপাঙ্কজ, ওহে কহ রূপা
করি—বিস্তারিয়া !” করি এতেক অরবণ,

কহিলা ক্রমেতে, ব্রতাস্ত যতেক, বহু-
বরে, যুবরাজ, লঙ্কার ভাবি রতন ।

উত্তরিলো অমুরাধ বিষাদে ভাসিয়া—

কেমন ঘটনা এ যে নারিসু বুকিতে !

কেন বা সে কুলবালা আসিবে এ জন-
শূন্য স্থানে, একাকিনী, চন্দ্র সূর্য্য তারা,
না পায় হেরিতে যঁার বরণীর রূপ ?

কোন্ দেব, কোন্ ছলে, পাতি মায়াজাল
কি বিপদ, ঘটাইবে তাই ভাবি মনে ।

বাল্যকালে যবে, এক দিন খেলিতেছি

আমরা দুজনে জনক আলায়ে ; তথা

আমিল, জ্যোতিষে বীরেন্দ্র-মারুতি সম,

এক অতি বৃদ্ধ বিজ্ঞ ! নিশ্বাস ফেলিয়া

হাসিল ব্রাহ্মণ হেরিয়ে তোমায়ে ; পিতা

মম চমকি, সেক্ষণে, যুড়ি কর, তাঁরে

পৃচ্ছিলা বারতা, তব্ব জানিতে বিশেষ ।

চুপে চুপে মহাচার্য্য উত্তর করিলা,—

মহাবীর হইবে কুমার ; বাহু বলে

ইনি জিনিবে বিস্তৃত রাজ্য ; উড়াইবে

তদুপরে বজ্জের পতাকা ; ভুঞ্জিবে সে

সুখভোগ ইহাঁর অমুজাস্বজ আদি

বীরদর্পে. সে বিজিত দেশে ; কিন্তু

মণিহারা ফণি যথা, ইহাঁর জননী

তাজিবে আপন প্রাণ ইহাঁর সাক্ষাতে ।”

“ অবগত আছি আমি এ সব কাহিনী—
তাই নিবেশি তোমারে ভাই ; না জানি, কি
আছে বা কপালে । মম মন হইতেছে
দারুণ আকুল, শুনি এই ঐশ্বরজাল-
সম আশ্চর্য্য ঘটনা আজি ; ইহা হ’তে
•নিবৃত্ত কুমার, করি এ মিনতি ।” এত
বলি চাহি মুখ পানে, সোদর সদৃশ
অমুরাধ রছিল আশ্বাসে, কৃষিদল
যথা, শুষ্ক প্রায় ক্ষেত্রে, হেরি যোর যন
যটা নীলাঘর পথে, বা যথা, চাতক ।

করিল উত্তর রোষে নৃপতি তনয়,—
“ এই কি তোমার সখ্য-ধর্ম্ম, হে কপট
বান্ধব ! হেরিয়াছ তুমি তাঁরে কহিলে
আপনি ;—থ্রেমে মুগ্ধ তুমি তাঁর ;—বাসনা
পূরাতে আপনার, চাহ বুদ্ধি বঞ্চিত
আমারে সে কারণ ? অথবা কে বিশ্বাসে
অলীক তোমার উপন্যাসে ?—যাও যথা
ইচ্ছা তব, না আসিও সম্মুখে আমার
আর” । শুনি ব্রজসম এ নিষ্ঠুর বাণী,
কহিলা বান্ধব বর ধর্ম্ম সাক্ষী করি ;—

“বাঙ্কিলাম জলধর-দল সন্নিধানে
শীতল আসার, মম ভাগ্যে বরিষিল
সেই উত্তপ্ত অঙ্গার, শিলারুক্তি হলে !
জনমিয়া কভু যাহা না জানি স্বপনে,

দেখিছ শুনিছ সেই অদ্ভুত ঝাপার
 এইক্ষণে ; এ যে দেব মায়ী বুঝিলাম
 বিশেষ । জলধি অন্ধু কেন বা ছাসিবে
 পূর্ণ ইন্দ্র আকর্ষণে ? না উথলি প্রেম
 সিন্দু শকা'ল সে নিধি, আশা সন্দর্শনে !
 ধিক রে মদন তুই !—প্রতিজ্ঞা আমার
 কিস্তু, শুন যুবরাজ ! লইলাম আজ
 হাতে বিদায় চরণে ; না ছেরিব আর
 ওই অমল কমল মুখ ; না শুনিব
 মধুমাখা কথা আর ; না আসিব
 স্নিগ্ধকরী সুরধুনী তটে, স্মশীতল
 স্মখ বায়ু করিতে সেবন—বিষময়
 যাহা তোমার বিরহে ! কিস্তু, যদি কোন
 কালে—জানি অদূর নহেক সেই কাল—
 নাশি কাম পাশে, হও হে কাতর তুমি
 মম অদর্শনে ; পুনঃ সেবিব চরণ ;
 নতুবা আমার এই দেখা ! বিধাতার
 বরে তুমি থাক কুশলেতে” । এত বলি,
 চলিলেন অমুরাধ সুবিজ্ঞ সুধীর :
 মনের বিকারে কিছু না বলিল তায়,
 মদন-বিহ্বল রাজসুত—মত্ত নিজ
 প্রতিমার সন্দর্শন লাগি ! কোষাৰদ্ধ
 করি অসি অন্য দিকে চলিলা বিজয় ।

ষরে আসি সৌদামিনী কছিল ডাকিয়া

বণিক দাসীয়ে—যত হয়েছে ঘটন।
 পুনঃ হাতে ধরি তার, বিনয় বচনে
 বলিলা বার-রমণী রাখিবারে খুলি
 গুপ্তদ্বার ; যুবরাজে পরে দিতে দেখা
 ছলে উত্তম ভূষণ পরি, প্রভাবতী
 যেন দীপ হস্তে ধরি, প্রাসাদ হইতে !
 অবশেষে বিদাইলা তারে, দিব্য বাস,
 স্বর্ণ মুদ্রা আদি দানে । সমুচ্চ হইয়া
 সাধিতে জঘন্য কার্য, চলিলা কিস্করী ।

আইল যামিনী আবরিয়া নিজ দেহ
 রুম্বর্ণ বাসে ; বায়স কোকিল আদি
 কুলায়ে লুকা'ল ভরা, হেরিসে মুরতি,
 তমোময়—পাছে বিনষ্টি সকলে, হরি
 লয় তাহাদের কমনীয় রূপ ! কোটি
 কোটি মণি, পরিল কুস্তলে ধনী, আর
 ছায়াপথ শিখী, মরি কিবা শোভা তার ।
 কিন্তু সতী প্রাণপতি বিরহে মলিনা ;—
 লুকা'য়েছে চাঁদে আজ অমা-মায়াবিনী
 সপত্নী রাক্ষসী । তাই দেবী অভিমানে
 বুঝি, ঢাকিল বদন ?—দেব, দৈত্য গুণ,
 আঁধিহয়, ক্রমে দেখ হ'ল অদর্শন !
 আঁধার, আঁধারময়, ঘোর অন্ধকার
 আসি, ঢাকিল ধরায় । নিস্তরু মানব-
 রূপ নিদ্রাদেবী কোলে ; লভিল বিশ্রাম

সুখ যত জীবকুল,—সচ্ছন্দে; সুধার্ত
 নিশাচরগণ মাত্র. জাগে ভূমণ্ডলে
 করিয়া গভীর রব—বৃদ্ধি বাহে শত
 গুণে অঁধারের ভীষণতা ! হেম মনে
 লয়, পৃথ্বী হইতেছে ক্ষর—ঝিল্লীরবে !

এ হেম সময়ে পরিধানি পীত বাস,
 ক্রতপদে ধাইতেছে নবীন নাগর,
 রাজপথে, যথা, গোপিকা বল্লভ বন-
 মালী চন্দ্রাবলী লাগি, মোহিনী-মোহন
 বেশে । ক্রমে উপনীত আসি মনোহর
 সুরম্য উদ্যানে—মদন চালিত যুবা
 মদনমোহন । পশিল ভিতরে তার ;
 না হেরিল কোন পুষ্প ঘোর অন্ধকারে ;
 না স্বাণিল সুরসৌরভ, নিন্দে পারিজাতে
 যেই—মদন বিকারে ; নির্মল সলিলা,
 তারায় ভূষিতা সুপূর্ণা সরসী, নাহি
 চাহিল তাহার পানে, কন্দর্প দর্পেতে !
 অথবা প্রকৃতি সতী আবরিলা শোভা
 আপনার. পাপাত্মা সম্মুখে ! কামুকের
 সচ্ছন্দ কোথা ইহ ভূমণ্ডলে ? ভুঞ্জে যে
 অশেষ যাতনা তারা, ক্ষণ সুখ লাগি !
 দীপালোকে হেমকালে হেরিল নাগর
 বর—নাশি অন্ধকারে, পূর্ণ শশি সম,
 দাঁড়য়ে প্রাসাদোপরে অনঙ্গমোহিনী

রপে ;—দেবী প্রভাবতী, (?) ধন্য রে মদন !

পাণিনী ভার্গব দাসী রতীরে নিন্দিল। !

চলিল। বিজয় লক্ষ্য করি সে কামিনী
বিক্ষেপিয়ে পদ অতি সাবধানে। ক্রমে,
ক্ষুদ্র দ্বার এক দেখি অব্যাহিত ; তায়
প্রবেশিল সাহসে করিয়া ভর, শ্বাস
বন্ধ করি ; পরে সমুচ্চ সোপানশ্রেণী
আরোহিয়া ; আসিয়া প্রকোষ্ঠ সন্নিধানে,
থামিল কুমার, দ্বার বন্ধ হেরি।

যুহুস্বরে ডাকিল। তখন—“খুলি দ্বার
বাঁচাও চকোরে আজ চাকু চল্লাননি
প্রণয়িনি !” “কেরে” বলি, উদঘাটল দ্বার
ঘোর রবে ! অদৃশ্য। হইলা বারাদনা-
সখি, সৌদামিনী যথা, আস্থানিয়া বজ্র-
নাদ ! মহান্ধতামস আসি কুমারের
আস্ছাদিলা আঁধিরয় ; না জানে ভূপতি
পুল্ল যাবেন কোথায়। সেইক্ষণে সহ
ভ্রাতৃদয়, বাহিরিলা ভার্গব বণিক,
জ্বালিয়া দেউটা ! হেরিয়া আলোক, ক্রত
পদে বাহিয়া সোপানাবলি, অধোমুখে
ছুটিল কুমার ; ধাইলা পশ্চাতে তার
নিষ্কাশিয়া অসি, তিন জনে, সমবেগে :—
হাড়া'য়ে উদ্যান, ক্রমে যবে উল্লঙ্ঘিল
অল্পচ্চ প্রাচীর, খসিয়া পড়িল মণি,

প্রবালে খচিত, বিজয়ের শিরোস্ত্রাণ,
 শশধর সম প্রভা যার। শিহরিল
 তথা বৈদেহক, হেরি সে মহার্ঘ ধনে ;
 করাঘাত করি কপালেতে, ভূমি পরে
 বসিয়া পড়িলা স্মৃধীবর ! স্তম্ভভাবে
 চিন্তিল তখন— “ একি সৰ্বনাশ, হায়
 ঘটিল আমার, এই নিষ্কলঙ্ক কুলে !
 নহে চোর, রাজপুত্র এ যে ; প্রভাবতি,
 এই কিরে ছিল তোর মনে, বিধাধার
 পয়্যোমুণি ! কেন রে কৃতান্ত কবলেতে
 না হইলি কবলিত তুই, যবে সেই
 গুণ-নিধি কান্ত তোর, রে ভাবি পাপিনি,
 গেল তাজিয়া এ পাপ লোক ? উভঃ মরি
 মরি ! ওহে সিংহ বাক, ধর্ম অবতার—
 কেমনে এ কুলাঙ্গার, তব গুরসেতে,
 জন্মিল দহিতে প্রজা প্রাণ ? রাজরাণি,
 ও মা একি কুসন্তান তব ?—গো কর্নিকে.
 মধু প্রস্থ তুমি, তবে কেন মা গরল !
 অথবা ফলিল ফল মম ভাগ্য ফলে । ”

এত ভাবি বিদাইয়া অহুচরগণে ;
 বিচারিল মনে, সেই ক্ষণে নিবেদিতে
 এসব বারতা. নৃপাল অগ্রেতে ; কিছু
 নারিল উঠিতে, ঘূর্ণাজলে তরী, যথা
 কেন্দ্রমগ্ন, পড়িল ভূমিতে পুনঃ, ঘোর

উদ্বেগের আশুর্গনে । মহাঝড় তাঁর
 হৃদয় মাঝারে লাগিল বহিতে ; উষ্ণ
 শোণিত প্রবাহ, মহোদধি উন্মি সম,
 উলঞ্জিয়া বেলা, বুঝি করে সর্বনাশ !
 এক বার ভাবিল অন্তরে—“ কিবা কায
 জানা'য়ে রাজনে ; কেন না কাটিনু, এই
 অব্যর্থ অসি আঘাতে, সেই নরাধম
 পাপের মন্তক,—ধিক্ মোরে ”! এই ভাবি
 মুক্ত খড়্গ ল'য়ে উঠিল সহরে, পিছু
 ধাইতে যুবার ! পুনঃ হ'ল ভাব বিপর্যায় ।
 “ হেন কর্ম্ম না করিব আমি, ” বিচারিল
 মনে সদাগর—“ অগ্রগণ্য দুহিতায়
 দোষ ;—নির্লঙ্ক সে পাতকিনী অনর্থের
 মূল ।—কিসে, কেমনে হেরিবে তারে মম
 গৃহ-বৃহ মার্কে নরেন্দ্র তনয় ? কত
 নাহি যায় মধুকর না পেলে সৌরভ !
 অতএব তার রক্তে জুড়াইব আজি
 তাপিত এ প্রাণ ”। পুনঃ স্মরি তার পিতৃ
 ভক্তি, সত্য নিষ্ঠা আদি, যত সদাচারে,
 তাজিল রূপাণ ;—দেখ পড়িল ভূতলে !
 ছায় রে কেমনে, স্নেহময়ী সে মুরতি,
 ক্ষীরের প্রতিমা, নাশিবে হে পিতা তাঁর ?—
 পুনঃ বসিল ভার্গব, অনর্গল ঔষধি-
 দ্বার লাগিল বর্ষিতে, মুকুতা আঁকারে,

সুধাসম নিকপম, অপভা স্নেহেরে ।

বুঝিয়া সময়, খুলিলা সুধা ভাণ্ডার
 প্রকৃতি আপনি ;—ভাতিলা তারকা পুঞ্জ
 স্নিগ্ধ-কর করে, শোভিয়া আঁধারে, যথা,
 শ্রেষ্ঠ মণি চন্দ্র, খনি অভ্যন্তরে ; বন্ধি
 মধুকরে, চুপে চুপে গন্ধবহ, হরি
 পরিমল লাগিল চলিতে মলিন্মুচ
 সম—শিহরিল ফুল-কুল নব প্রেমে
 মাতি ; অগন্ধে পুরিল বুঞ্জবন ; মধু
 পঞ্চস্বরে শিকবর কুঞ্জিল সহরে ।
 লইলেন নিদ্রাদেবী, সস্তাপ-হারিণী,
 সদাগরে, কোলে আপনার ; মনোদ্রোগ
 তাঁর, আহা মরি, শান্তিল অমনি ! আসি
 ক্রমে যুহু হাসি, সম চঞ্চলা চপলা,
 মায়া প্রসবিনী স্বপ্ন দেবী বসিলেন
 মহোন্মাদে নির্ঝাপিতে ভার্গবের মন
 ছতাশন, একেবারে—বাণীর আদেশে ।

দেখিলেন সদাগর শঙ্কর মোহিনী,
 আলো করি দিক্‌দশ, শিরে তাঁহার,
 বসি কহিছে তাঁহারে—“ ছায় বাছা, নহ
 আপন গৃহ বারতা, জ্ঞাত তুমি, তাই
 বৃথা রোষ আত্মাজ্ঞা উপরে—শাপ ত্রস্তা
 যিনি তব ঘরে ! মম প্রিয়াদাসী, স্বর্গ
 বিষ্ণাধরী, সতী রমণীকুল-রতন !

দুর্ভাগ্য নৃপনন্দন, রাজকুল কালী—
 মন্থথের দাস ; সেই সাধিল এ বাদ,
 মরিতে আপনি । হের সুখভারা, বামা
 সুধাননী. উজ্জলিছে পূর্ষদিক্ নাশি
 যামিনীরে ; উষাদেবী অবিলম্বে উঠি,
 ধুলিবেন দ্বার, তরুণ অরুণ লাগি ;
 ঐ দেখ, বিহঙ্গ কুল পাইয়া প্রভাত
 আভাস, ডাকিতেছে ছফমনে, কমল
 পতি, মরীচিমালীরে । উঠহ ত্যজি
 নিদ্রায়, বণিক বর ; চলহ সত্বরে
 আপনি, ভূপাল ভবনে ; বল তাঁহ্যরে
 বিশেষ করি এ সব কাহিনী ; নিশ্চয়
 স্মৃশান্তি তুমি লভিবে বিচরে । দুহিতা
 তব, নহে কলঙ্কিনী, জানিহ নিশ্চয় । ”

চলি গেলা স্বপ্ন দেবী এতেক কহিয়া ।
 চমকিয়া সদাগর উঠিয়া বসিল
 নিদ্রা ত্যজি ; সে মোহিনী রূপ, কনমাত্র
 যেন, দেখিল নয়নে ; মধুর নৃপূর
 যেন, ধনিল শ্রবণে—পাদ বিক্ষেপণে
 তাঁর ; স্বর্গীয় সৌরভে পুরিলা নাশিকা
 রক্ত যেন, অকম্পাৎ !! আশ্চর্য্য মানিয়া
 সাধু লাগিল চিত্তিতে, পড়িয়া সে পাশে,
 দেব মায়া ছলে ঘাহা, করিলা বিস্তার ।

ক্রমে দিনমণি দেব হইল প্রকাশ—

জনরবে হ'ল পূর্ণ অবনী মণ্ডল ।
 সে সময়, রাজ নিকেতনে, মণিঘর
 রজত আসনে বসি, দেব সিংহবাহু
 সাধিছে, রাজ্যের কায, ধর্মরাজ সম ;
 স্বর্ণ ছত্র হাতে ছত্রধর, কিবা শোভা
 তার—পুনঃ কি সুমিত্রা হুলাল, উর্মিলা-
 রমণ অবতীর্ণ ধরাধামে ? রবির
 লোহিত ছবি, মেকশৃঙ্গ পরে শোভিতেছে
 ভূতলে কি আজ ? চারিদিকে সভাসদ
 পাত্র মিত্র আদি, যথা যোগ্য স্থানে, বসি—
 সুবর্ণ, মুকুতা যুক্ত দিবা আবরণে ।
 বিবিধ বর্ণের স্তম্ভ প্রস্তুরে গঠিত,
 বিরাজিছে সারি সারি, বোধিকা উপরে
 ধরি ভাস্কর্য সংযুক্ত দিবা পাড় ;—ছাদ
 সর্কোপরে, গম্বুজ আকার, শোভাময়,
 কত শত খোদিত রঞ্জিত বিভূষণে—
 যথা, রে অক্ষয় বট তব শাখাচয়
 বহুল মূলেতে রাখি ভার, আলো করে
 নিজ নিজ পত্র পুষ্প ফলে, চতুর্দিক !
 পতাকা ঝালর আদি উজ্জ্বল বরণে,
 উড়িছে, ঝুলিছে কত, কতদিকে পারে
 কে বলিতে । রজত কাঞ্চন আর শানা
 জাতি মণি, অমুপম ধরি প্রভা, মন ;
 প্রাণ করে পুলকিত, উজ্জ্বল জ্বলনে—

হেন অনুমানি, যদি প্রভাকর পূর্ণ-
 গ্রহণে, লুকা'ন আপন ছবি, ভাতিবে
 এই সভা প্রভাময়, আপন কিরণে !

কত লোক কার্য্য লাগি আসিছে যাইছে,—
 যথা, উদয়ান্ত তারা, হয় নৈশাকাশে,
 প্রকাশিয়ে শোভা ক্ষণকাল ! কালসম
 ভীষণ মুরতি, অসি. চন্দ্ৰ, শরাসন-
 ধারী, প্রবল প্রহরীগণ, একভাবে
 পায়ণ পুতলি প্রায়, আছে দাঁড়াইয়ে ;
 কিন্তু, ক্ষণে উগ্রমুষ্টি, যম সহচর
 যথা. সাধিতে আদেশ—প্রভুর ইচ্ছিতে !

এমন সুখ-সঙ্কট স্থানে হীন বেশে
 আসি উপনীত বণিক-প্রবর, ম্লান-
 মুখে, যথা, রাহুগ্রস্ত শশী পৌর্ণমাসী
 নিশি অবসানে ! চমকিল সভাসদ
 হেরিয়ে ভার্গবে সেই বেশে ; আর হেরি
 বহুমূল্য বিজয়ের শিরস্ত্রাণ, হস্তে
 তাঁর ! সতৃষ্ণ-নয়নে নৃপ নিরীক্ষণ
 করি, তাঁরে জিজ্ঞাসিল কহিতে বক্তব্য
 যাহা, অনতিবিলম্বে ; কি জানি কেমনে,
 কি বিপদ ঘটাইয়েছে বিজয় কুমার ।

শুনি সাধু, নমি-পদে, কহিতে লাগিল,
 যুড়ি কর ; অশ্রুধারে বক্ষস্থল তাঁর,
 লাগিল ভাসিতে ; হ'তেছিল কঠরোধ

প্রতি ক্ষণে ক্ষণে । এই রূপে নিবেদিয়ে
 নিশার ঘটনা, নিদর্শন সে উষ্ণীষ
 রাখিল সম্মুখে । ক্রোধে কম্পমান নৃপ ;
 কহিলা অমাত্যবরে ডাকিয়া তখন—
 “কহ পাত্র কি কর্তব্য এক্ষণে ইহার,
 পুনশ্চ দুষ্কার্য করে পুত্র কুলাঙ্গার ;
 নাহি জানি আমি কি করিব । ক্রোধ রিপু
 প্রভঞ্জন সম, উত্তাল তরঙ্গচয়
 তুলিতেছে, হৃদয় সাগরে মম ; মনঃ,
 উন্মত্ত মাতঙ্গ যথা, হ’তেছে অস্থির !
 কোথা সেই পাপমতি, নরাধম পুত্র
 মম ! এই দণ্ডে তার কাটহ মস্তক—
 কান্দুক জননী তার ! নহে দ্বীপান্তরে
 তারে করহ প্রেরণ—ধাকিবে আমার
 প্রজা নির্ঝিয়ে সকলে ! অরাজক, কেহ
 যেন নাহি কহে, স্বর্গতুল্য পুণ্যক্ষেত্র
 এই বঙ্গদেশে ! কোথা রাজধর্ম আর
 প্রজাচিত্ত না রঞ্জিল যথা ? ধিক্ মোরে !”
 এত বলি নীরবিলা গুণসিন্ধু রাজা
 সিংহবাহু—সিংহের প্রভাব একেবারে
 উজ্জলিল মুখ তাঁর ; সূর্যিত-লোহিত
 আঁখিদ্বয়ে বাহিরিছে অগ্নিকণা যেন !
 বিকট চঞ্চল ভাব ভীষণ দর্শন—
 যথা, যবে কত্র দেব দহিতে কন্দর্পে,

সদর্পে তাঁহার পানে চাহিলা ধূর্জটী,
 প্রকাশিয়ে অগ্নিশিখা লোমহরষণ !
 কহিলা সচিব, করযোড়ে—“অবধান
 নরেশ্বর দীন এ দাসের নিবেদনে,
 পরিহরি রোষ রায়, ক্ষমহ কুমারে
 এই বার, অহুতাপচিত্তে যদি তিনি
 শুধরেন নিজের, এর পর । ক্ষমার
 সমান গুণ নাহি ত্রিভুবনে—সুবুদ্ধি
 বণিক-কুল-ধ্বজ, অবিদিত নাহিক
 তাঁহার, এই পরম ধরম । আত্মজ
 আপনার—একারণে নাহি বলি আমি
 ক্ষমিতে তাহারে—বলি ক্ষমা ধর্মগুণে ।”

“যা কহিলে মন্ত্রীবর. মিথ্যা তাহা নয়,
 কিন্তু রাজধর্ম দণ্ডিতে দোষিরে । তবে,
 অভিযোক্তা যদি দয়া-পরবশে, নিজের
 ক্ষমেন তাহারে, তুচ্ছ মনে, তবে সাধ্য
 মম, অত্যা অধর্ম হেতু ক্ষমিতে না
 পারি ।” দেখি ভূপতির দৃঢ় ধর্মব্রত,
 মনে মনে তাঁরে বাঞ্ছানিল বৈদেহক—
 ধন্য মনুষ্য প্রকৃতি, কামা হাসি এত
 আর নাহিক ভুবনে—ভুলিয়া কুমার-
 রূত গুরু অপরাধ ! যথা ভীমাকৃতি
 যোধ, উলঙ্গিয়ে খর তরবার, যবে
 নাশিবে শত্রুরে—বৈরী প্রণয়িনী বিধু-

মুখী, আসি পতি প্রাণ-লাগি, তার মাঝে
তারস্বরে করেন ক্রন্দন, কে পাষণ্ড
আছে হেন, বধিবে তাহারে, এ জগতে ?

উত্তরিল পণ্যাজীব, শত ধ্বংসবাদি
ধর্মরাজে—“ক্ষমিহু কুমারে আমি ; তব
যশঃ-জ্যোতি আলোকিল, আজি এ সংসার ;
দেহ হে অভয় দান যাই নিকেতনে ;
পুনঃ যেন যুবরাজ না যায় এ কাজে ।”

আশ্বাসিতে ভার্গবেরে চাহি মন্ত্রী প্রতি
কহিলা ভূপতি তবে—‘সত্বরে কুমারে,
স্বনীতি বুঝায়ে তুমি করহ শাসন ;
পরে যদি পুনঃ কভু আচরে এ হেন
য়ুগিত আচরণ, নিশ্চয় সে ভুঞ্জিবে
তবে, মম ক্রোধানল-উদ্দীপন-ফল ।”

এত শুনি সদাগর করিল গমন,
আনন্দ অন্তরে ; সভা ভাঙ্গি নররাজ
প্রয়াণ করিলা অতি ব্যথিত হৃদয়ে ।

সেই দিন নিশাকালে নরেন্দ্র নন্দন
আহ্বানি সকল মিত্রগণে, বসিলেন
করিতে মন্ত্রণা সেই নির্মল সলিলা
গঙ্গা নদীকূলে, ঘোর গহন কাননে ।
সপ্ত শত বীরবৃন্দ বসিয়া কাতারে—
ঘোর অন্ধকারে, না পারে চিনিতে কেহ
কারে ; তরুচয় আবরিছে নীলাধর-

সমুদ্ভূত নক্ষত্র পুঞ্জের স্বপ্পালোক !
 ভীষণ সে স্থান ! যথা, প্রেতপুরী মহা
 ভয়ঙ্করী, আলোক বিহীন, দিবানিশি
 আরতা আঁধারে—তাছে ছায়াকার ভীম
 প্রেত দল ! সঘোষিয়া সবাকারে রাজ-
 পুত্র কছিল তখন—“ শুন বন্ধুগণ ;
 জনমের মত আমি যাচি হে বিদায়
 তোমা সব আগে ! ভ্রাতৃত্বাবে এতকাল
 কাটাইলুম কত স্মৃথে—এবে বিধি মম
 প্রতিকূল । শনেছ সকলে কথা যত
 আজি কার ; মন্ত্রীবর নৃপেন্দ্র আদেশে
 কহিলেন অভিসন্ধি মোরে ত্যজিবারে,
 অথবা পাইব আমি, শান্তি সমুচিত
 পিতার নিকটে, ভয়ঙ্কর ! হা বিধাতঃ
 এই কিহে বিবেচনা তব ! কুমারীর
 ঘটায়ৈ বৈধব্য, না দেহ বরিতে পুনঃ—
 দিক্ এ বিধিতে ! যুগ শাস্ত্রে আছে বিধি,
 তবে বিধে, কেন এ অবিধি ? ত্যজিলাজ,
 প্রকাশিয়ে কহিলুম সকল, মন্ত্রীবরে ;
 চাহিলুম পত্নীত্বে তাঁরে করিতে বরণ ;—
 হাসিয়া দিল উড়ায়ৈ, ঘোর বাত্যা যথা,
 মম আশা-মেঘ ! অতএব বল সবে
 উপায় কি আর । প্রতিজ্ঞা আমার এই—
 লভিব সে রত্ন কিবা ত্যজিব জীবন—

বিজয় বিহীন হবে এই লাল দেশ ! ”

কহিলেন উরুবল নামে মিত্র—“একি কথা বল, ওহে কুমার-কেশরি! এক প্রাণ মোরা সবে, আছে যা কপালে, তাহা ঘটবে সবার—যোর রবে প্রভঞ্জন দ্বন্দ্ব যবে, মহীকহ সহ, সম উচ্চ-দ্রুম যত এক জাতি, উন্নত মস্তকে বিরাজে সদর্পে; নহে ভয় শিরে করে ধরায় শয়ন; উদ্ধারিব তব কার্যা সকলে মিলিয়া, নডুবা এ সপ্তশত প্রাণ করাল কালের কোলে, এককালে লভিবে বিশ্রাম! জানিহ নিশ্চয় সবে!”

ইহা শুনি উরুবলে দিলা সাধুবাদ,
সবে মিলি; উঠিল আনন্দরোল, সেই
গভীর নিস্তরক বনে,—গর্জিল যুগেন্দ্র
যথা, গিরি গুহা মাঝে! কাঁপিল অন্তরে
মস্তি-নিয়োজিত চর, অলক্ষিতে থাকি!

তারপূর্ব বান্ধব বিজিত নিবেদিলা—
“বিলম্বে বলহ কিবা প্রয়োজন; চল
আজি, সাজি ভীল সাজ আক্রমি ভার্গব-
গৃহ, কুমার-প্রাণের-নিধি সে যুবতী
লইব বাহিরি, যথা, দেবদল মথি
পয়োনিধি, কোমল কমলাদেবী! আর
কতগুলি মোরা থাকি নিজবেশে, যা'ব

মহা কোলাহলে, সোধিতে আক্রমী দলে,—
 হলে;—এ কোঁশলে রক্ষীগণে, প্রতারিব
 অনায়াসে, “না মারি ডুজ্জে আর নাহি
 ভাঙ্গি লাঠী!” কহ সবে মন্ত্রণা কেমন?
 “বেস বেস,, বলি সবে প্রশংসিল তারে;
 শাহানন্দে আলিঙ্গন দিলেন বিজয়।
 অবশেষে গেলা চলি, সেই সাত শত
 কুমার-বান্ধব দুই দলে—ভিন্ন পথে।

ক্রতপদে গেল দূত বিশ্বয় মানিয়া;—
 অনতিবিলম্বে আসি অমাত্য-আগারে,
 কহিলা সচিববরে যতেক মন্ত্রণা।
 সেই ক্ষণে হ’ত যদি অশনি পতন
 গৃহমাঝে, অধিক আশ্চর্য্য মন্ত্রীবর
 না হ’ত কখন! হায় জড়বৎ কিছূ
 ক্ষণ রহিলা দাঁড়ায়ে! জ্ঞানালোক তাঁর—
 তড়িত যেমতি, চমকিয়া বিনাশিল
 মনের আঁধার;—বেগে চলিলেন ধীর
 ভেটতে রাজেন্দ্রে! মুহূর্ত্তে আসিয়া বার্তা
 দিয়া নৃপবরে, কি কর্তব্য জানিবারে
 রহিল দাঁড়ায়ে, যোড়করে। অহিবর
 যথা, পাইলে আঘাত ধরি ফণা, উঠে
 গরজিয়ে, কিংবা যথা কেশরী, উন্মত্ত
 মাতঙ্গে হেরিয়া,—উঠি বসিল ভূপাল
 ছাড়ি ছহুকার;—সেই শয়ন আগার

কাঁপিল, সহ রক্তত খট্টাঙ্গ ; কাঁপিল
 রমণীকুল-আদর্শ. পাটেশ্বরী রাণী
 সিংহ জীবলী, পতি পার্শ্বে থাকি । সক্রোধে
 চাহিল নুপবর—জ্বলন্ত পাংবক সম,
 নেত্রদ্বয় ঘুরিল সঘনে—দহিবারে
 পতঙ্গের দল প্রায়, দুশ্চরিত্র দলে !
 ঘোর নীরদ নিঃশ্বনে, চাহি মন্ত্রী প্রতি,
 কহিলা রাজেন্দ্র—“এখন দাঁড়ায়ে কেন
 পাত্রবর, মম অপেক্ষায় ! সৈন্যদলে
 সাজায়ে এখনি, বন্দী করি সবে লহ
 কারাগারে ; অকণ উদয়ে বধাভূমি
 কল্যা, প্লাবাবে সবার রক্ত স্রোতে ? একে
 একে সকলে ভুঞ্জিবে এই দুষ্কর্মের
 ফল ;—প্রথমে বিজয়, কুলাঙ্গার
 পুত্র মম, যাতকের হস্তে, মৃত্যুদণ্ডে
 হইবে দণ্ডিত ! যাও ডরা করি, ওহে
 সচিব কুলের শ্রেষ্ঠ, বিলম্বে কি ফল !
 সময়ে নাহি যাইলে ঘটবে প্রমাদ ।,,

শিহরি আতঙ্কে, ছিন্নমূল তরু যথা,
 হারাইয়ে জ্ঞান, পড়িল ভূপৃষ্ঠে, রাজ্ঞী
 বিজয়-জননী ; শশব্যস্তে বৃদ্ধ মন্ত্রী
 করিলা স্তম্ভাষা তাঁর । চৈতন্য পাইয়ে,
 বক্ষোভেদী ককণ ক্রন্দন সহ, ধরি
 স্বামীর পদযুগল, কহিলা বিনয়ে—

অর্দ্ধক্ষুণ্ট বোলে—“একি নিদাকণ নাথ,
 তবদেশ! কে কোথা শুনেছে, আপনার
 ঔরসজাত পুঞ্জেরে করিতে হনন?
 হিংস্র স্বাপদগণ, হেন কাজ, না পারে
 করিতে কভু; ছদি তব অতি কঠিন-
 পাষণে নির্ম্মিত প্রাণেশ্বর! যদি চাহ
 বধিতে আশ্রজে, আগে বধ অভাগিনী
 এই তার পাপিষ্ঠা মায়েরে, গলগ্রহ
 তব, এ দাসীরে! হায়, কেনরে বিজয়
 তুই সাধিলি এ বাদ, বধিতে আমার?
 কেনবা নিলি জনম এ পোড়া গর্ভেতে?
 রাজা হ'য়ে কোথা বাছা, বসিবি বদ্বের
 সিংহাসনে, না এ কাল নিশা অস্তে, পিতা
 তোর, হায়, কাটি মাথা ধরাশায়ী করি
 তোরে কলুষিবে এ পবিত্র ভূমি! মরি,
 হে ধরণীপতে, দেহ ভিক্ষা মোরে আজি,
 মম প্রাণ-বিজয়ের প্রাণ! পত্নী হত্যা
 পুঞ্জহত্যা কর'নাহে নৃপমণি! আরো
 নাথ, কি ধর্ম্ম লভিবে তুমি, শূন্য কোল
 করি, শত শত অভাগীর—আমা সমা?
 ক্ষম নাথ, ধরি পায়, বিজয় সহিত
 যুবক সকলে, নহে লছ এই প্রাণ।,,

এত বলি মহারানী পতির চরণ-
 পরে হইলা মুচ্ছিতা, নিরাশ্রিতা স্বর্ণ-

লতা, মরি তরুমূলে যেন লুটাইল !
 সসন্ত্রমে পাত্রবর যুড়ি ছুই হাত,
 নিবেদিল—“একি মহারাজ, ক্ষম মোরে,
 হেন কার্য উচিত না হয়, আপনার—
 অক্ষলক্ষ্মী তব মৃতাপ্রায়,—বধদণ্ডে
 তাজিবে জীবন স্ননিশ্চিত ; অতএব
 অনাদণ্ডে, দণ্ডিয়া যুবকদলে, রক্ষ
 হে রাজেন্দ্র-কুলপতি, ছুই দিক্।,, এত
 কহি, তুলি রাজমহিষীরে, পুনঃ ষোড়-
 করে রহিলা চাহিয়া নরপতি পানে,
 উদ্ধমুখে, বারি আশে চাতক যেমতি ।

কহিলা সম্রাট—“শুনহে অমাত্য, কোন্
 মুখে আমি ক্ষমিব বিজয়ে ! সত্যস্থলে
 আজি, সাক্ষাতে সবার, করিলাম সত্য,
 সমুচিত শান্তি দান করিতে কুমারে—
 না হ’তে প্রভাত নিশা, পামর অঙ্গজ
 মম, রাজদ্রোহী সম, দল বাঁধি চাহে
 সাধিতে জঘন্য কাজ,—কি শান্তি তাহার
 বিনা প্রাণদণ্ড ? ত্রেতাযুগে, জান মন্ত্রী-
 বর রাজা দশরথ, সৰ্ব্বগুণ-ধর
 রাম কমললোচনে, পাঠাইলা বনে,
 সত্য (ছার স্ত্রীরঞ্জন) লাগি ! দেখ তাঁর
 আবাল বৃদ্ধ বনিতা ষোষে যশঃ ! বল
 কেমনে, অবাধ্য লম্পট পাষণ্ডে, করি

পদাঘাত রাজধর্ম্মে, লঘু দণ্ড দিব
 আমি ? অপযশ রটিবে ভুবনে—ইহ
 পরকাল মম ডুবিবে তখনি ! সাধী
 কৌশল্যারে স্মরি, নিবাহ হৃদি আশুণ
 মহিষি আমার । বধ দণ্ড ক্ষমিলাম
 আজি, তোমার কারণে সবাকার ;—যত
 অনর্থের মূল নারী ভূমণ্ডলে ! কিন্তু
 মন্ত্রি, সূর্য্যাস্ত হইলে কলা, নাহি যেন
 রহে কেহ, এই নগরীতে, পঙ্কী-পুঞ্জ-
 সহ—অশ্রুখা মরণ ; নির্ঝামন কর
 সবে দ্বীপ দ্বীপান্তরে । আজি হ'তে মম
 পবিত্র-কুল-কলঙ্কে করিহু বর্জন !
 যাও মিত্র হুরা করি সেনাগণ সহ,
 রক্ষহ ভার্গব-গৃহ ; কর বন্দী সব
 হুরাস্মারে । বর্জন করিহু পুঞ্জ শুন
 দেবগণ—না হেরিব কভু সে পাপিষ্ঠে
 আর ! ধর্ম্মে চাহি ক্ষমহ প্রিয়ে আমায় ! ”

তারপর নীরবিলা নরেন্দ্র সিংহল,—
 চলিলা সচিব-শ্রেষ্ঠ প্রভুর আদেশ
 সাধিবারে, বাঁধি পাষাণে হৃদয় ; “বাহা—
 রে বিজয়” বলি কান্দিতে লাগিলা রাণী
 ঐবিয়া, অতি কঠিন শিলা সম হৃদি ।

ইতি সিংহল বিজয়ে কাব্যে বর্জনো নাম
 প্রথমঃ সর্গঃ ।

দ্বিতীয় সর্গ ।

পর দিন, মধ্যাকাশে মার্ভণ্ড মূরতি,—
 কিবা ভয়ঙ্কর-অনল-সমান কর
 করিছে বর্ষণ ; নিস্তক প্রকৃতি সতী ;
 স্পন্দহীন মহীকহচয়, গতিহীন
 হেরি প্রভঞ্নে ; স্ফাটিক ক্ষেত্র-সদৃশ
 শান্ত স্বচ্ছ ভাব ধরে ভাগীরথী—যেন
 যুতা প্রায় ! সুনীল গগন সহ খর-
 রবি ছবি, ভাসিতেছে—যথা, স্বর্ণলঙ্কা
 রামদাস হরুর দাহনে, সিদ্ধু মাঝে !
 দেখি আজি, এহেন সময়ে সুরধুনী
 ছদি মাঝে শৈল সম, বিরাজে অর্ণব-
 যানত্রয় (১) নামারে পতাকা—ঝুলিতেছে

(১) বরনুফ (Burnouf) অনুমান করেন যে, গোদা-
 বরীর সিদ্ধু-সংগম হইতে বিজয় যাত্রা করিয়াছিলেন ; অদ্যা-
 বধি উক্ত স্থান “ বন্দর মহালঙ্কা ” বলিয়া বিখ্যাত ।

(See Note-Tennent's Cylon Part III. Chap. II. pp. 330)

কিন্তু মহাবংশে লিখিত আছে রাজা সিংহবাল্ল লাল
 প্রদেশ (বঙ্গ ও বেহারের মধ্যস্থিত) হইতে বিজয়, প্রভৃতিকে
 সমুদ্রে ভাসাইয়া দিয়াছিলেন । (Tournors Mahavansa
 Chap. VI. pp. 49) অপিচ, এই পুস্তকের ইনডেকসে
 লিখিত আছে যে, লালের রাজধানী সিংহপুর হইতে বিজয়
 সিদ্ধু যাত্রা করেন । যাহা হউক, আমার মতে শেষোক্ত স্থানটী
 উপযুক্ত বোধ হওয়ায় আমি বিজয়কে গঙ্গার উপর দিয়া
 লঙ্কায় লইয়া চলিলাম ।

পালি লম্ব ভাবে ; আছা ! ছদয়ে তাদের,
 কাতারে কাতারে কত যুবক যুবতী,
 আর শিশুগণ রয়ে ম্লানমুখে ; কিন্তু
 আছে, কি আশ্চর্য্য, দৃষ্টি সবা কার
 তট অভিমুখে, যেন কোন অঘটন
 ঘটবেরে আজি—এই জাহ্নবী-পুলিনে ।
 এ হেন সময়ে তথা আসি উতরিলা,
 মনোরথ-গতি রথ—এবে হুহুমন্দ
 ভাবে—বুঝি, বিজয়ের বিচ্ছেদ ভাবিয়ে ;—
 এ জনমে আর দেখা না পাইবে তার !
 নামিল সচিবশ্রেষ্ঠ, ভাসাইয়া বক্ষঃ-
 স্থল নয়ন-আসারে ; তড়িত যেমতি,
 সহরে পশ্চাৎ তবে নামিল বিজয়—
 গম্ভীর মুরতি, দন্ধ যেন অন্ততাপে—
 চাহিল তটিনী পানে—দেখিলা সকল
 সখাগণ, এক পোতে, সলজ্জ-বদনে ;
 দ্বিতীয়েতে, শত শত শতদল সম,
 আলো করি স্থান—বান্ধব-গৃহিণী যত,
 বসি অধোমুখে ; তৃতীয়েতে, আছা, মরি !
 যেন প্রভাত-শিশির-বিন্দু সহ, ফুটি
 অসংখ্য গোলাপ র'য়েছে উদ্ভানে, যত
 শিশুগণ, হায়, স্নুকোমল, স্নুপ্রকৃতি !
 নৃপায়জ, তোমার কারণে কুলবালা
 যত, আর শিশু শাস্তমতি, ডুবিতেছে

অকূলে, হে বীরবর, হুঃখে ভাসে করি!
 ধন্য পিতা তব—নিজ পুত্রে নরপাল
 বর্জিলা অনা'সে! কিন্তু, কি দোষে দূষিত
 হ'ল, অবলা সরলা যত, আর শিশু-
 চয়? অথবা বিধির লিপি খণ্ডাইবে
 কেবা। দেখি এ সবারে, অন্তরে কাঁদিল
 কুমার, অন্তর বিকারে। বর্ষিল অশ্রু
 মন্ত্রী, বুঝিয়া অন্তরে, কুমারের ভাব।

দেখিতে দেখিতে—চমকিয়া দিক দশ
 চক্রের নির্যোষে; উড়াইয়া ধূলিপুঞ্জ
 গগনের মাঝে, আসি উপস্থিত রথ,
 পবনের বেগে—ভগ্নধ্বজ, ছিন্ন কেতু,
 অশ্ব বল্‌গাহীন, রজোরাশি-পরিবৃত
 ভীষণদর্শন!—যথা ঘনঘটা হ'তে
 বাহিরে দামিনী, সহ বজ্রনাদ—রাজ্ঞী,
 বিদ্যুত-বরণী, মহা-ক্রতপদে, রথ
 হ'তে বাহিরিলা “হা কোথা বিজয়” বলি,
 বিজয়-জননী! চমকিল সবে তাহে,
 কাঁপিল সবার চিত্ত, সেই বজ্রসম
 বক্ষোভেদী রবে; গণিয়া প্রমাদ মন্ত্রী,
 কাঠের পুতলী প্রায় রহিলা দাঁড়া'য়ে।
 স্মিত্রি রিজয়ানুজ নামিলা শুধনি!।

কহিতে লাগিলা সতী—“ বাছা অঞ্চলের
 নিধি! কোথা বাবি বাপ, আমায় ডুবায়ে

পাথারে—এ অভাগিনী দুঃখিনী মায়েরে ?
 কি কাজ এ ছার রাজ্যে তোরে হারাইয়ে ;
 প্রাণের পুতলী মোরে লহ সাথে করি !—
 কেন ওহে প্রভাকর মধ্যাহ্ন সময়
 হেরি যে আঁধার ময়, তোমা বিছমানে ?
 একি খসিল নয়ন-তারা মম, অন্ধ
 কি হইলু আমি ?—বিজয়, বিজয়, কোথা
 প্রাণের বিজয়, আয় বাছা আয় কোলে
 করি ;—মা বলিয়ে চাঁদ, জুড়ারে জীবন ” !—

এত বলি মহারাণী করিলা কুমারে
 কোলে—কিন্তু, উদ্বেগ-জনিত কষ্টে, হায়,
 ক্ষীণা স্নেহময়ী—না পারি সহিতে ভার,
 হিন্নমূল ক্রমসম, পড়িলা ভূপৃষ্ঠে,
 সংজ্ঞা হারাইয়া ! পলকে উঠিয়া বীর-
 সিংহবাহু-সুত, ধরি জননী-মস্তক
 ক্রোড়ে “ মা, মা,” বলি লাগিল ডাকিতে, মরি !
 অতি দীনস্বরে,। হায় রে, এ বাক্যামৃত
 মৃত-সঞ্জীবনী ! ‘ মা ’ বলিয়ে সুধাজ্যোতে
 ভাসে জগজন ; শুনিলে জননী হৃদি
 প্লাবয়ে পীয়ুষে ;—নাছি রহে দুঃখ লেশ
 জগতে সে ক্ষণে ! শুনিয়াছি কানে—কতু
 না এ পাপ মুখে, ঝরিয়াছে সে নির্জর-
 সদৃশ, মধুমাখা বুলি । নাজানি কোন্
 অপরাধে, প্রসবিয়া নৃশংস রাক্ষসে

মা আমার, দিব্যধামে মেলয় চলি । কেন
 রে রসনা রা ডাকিলি “ মা, মা,” বলে সেই
 কালে ? তবে কি কৃতান্ত নির্দয় পারিত
 লইতে তাঁরে ? অবশ্য ফিরিতেন মাতা
 “ মা ” বাক্য শুনিয়া !—তাই বলি, “ শুনিয়াছি
 কানে ”—কিন্তু দেখিহু প্রতাক্ষ, কুহকিনী
 কল্পনা স্মরি, এবে তবে বলে ! যেই
 “ মা ” বলিয়া কান্দিলেন যুগল তনয়—
 অমনি জীবলী রাণী, মেলিলা নয়ন,
 ছিন্নবলী সম যিনি ছিল ধরাপরে
 যুতা প্রায়—অতি নিদারুণ পুত্র হেতু
 শোকে । আনন্দে বিজয়, জীবিতা মায়েরে
 হেরি. প্রেমাশ্রু আসারে ভিজাইল, আহা,
 জননী-পঙ্কজ-মুখ ! উন্মীলি নয়ন—
 “ বিজয় ” বলিয়া পুনঃ করি সঘোষন,
 কঙ্কিতে লাগিলা দেবী যুহু মধুস্বরে—
 “ আসন্ন সময় মম, নতুবা যাইত
 অভাগিনী, কান্দালিনী বেশে, তোর সহ
 তরু বাছা সিন্ধু পারে দিব না যাইতে
 আমি;—শেলসম মম যত্ন, বিক্লিবে রে
 যবে, তোর পিতার পাম্বাণ প্রাণে—সত্য
 বলি, তোর ও মুখেন্দ্র-সুখা, জুড়াইবে
 সেই অহুতাপ-সন্তপ্ত হৃদয় ! তবে
 কেন বাপ হ'বি দেশান্তর ? মাতৃবাক্য

রাখি, রাজ্যেশ্বর হ'রে, ব'স সিংহাসনে ;
 স্মিত্র ভাই তোমার, স্মিত্রানন্দন
 সম, হবে ছত্রধর ! আর রে স্মিত্র
 আয়, হেরি তোর স্মস্পূর্ণ-নিফলঙ্ক-
 শশধর সম মুখ, ব'স রে অগ্রজ—
 কোলে তুই—বুগল কিশোর আমি করি
 দরশন ।” বসিল বিজয় পার্শ্বে, ধীর
 স্মিত্র সিংহল, ব্যথিত হৃদয়ে, ভাবি
 জননী'র মৃত্যু সন্নিকট । কে বলে রে
 কৌশল্যা, অযোধ্যা পাটরাণী, পুত্র-
 বৎসলা অতি ? দেখুক সে আসি, পাপ-
 কর্মচারী-পুত্র লাগি, ত্যজিছে জীবন
 মহিষী ক্রীবল্লী, অবহেলে ! স্নিগ্ধ
 রাম-রবি রঘুকুলমণি, নির্বাসিত
 যবে বিনা অপরাধে, বিমাতার ঘেবে,
 কৌশল্যা কি পুত্র ছাড়ি না ছিলা জীবিতা ?

কছিল বিজয় নিবারিয়ে অশ্রুবারি—
 “ কেন গো জননি আর, কহ রহিবারে,
 রাজধর্ম পালিয়াছে পিতা—পাপাচারী
 আমি—অযোগ্য এ দণ্ড নহে কোন মতে ;
 আশীর্বাদ কর মা গো, তোমার প্রসাদে
 যেন ক্ষমেন বিধাতা—দশরথাস্রজ
 ধীর, ধর্ম অবতার, কমল-লোচন
 রাম, বিষাদ না গনি, পালিলা কঠোর

পিত্রাদেশ, চমকি জগতে! অত্যাচার
 হেতু, নির্বাসিত আমি রাজ্যবিধি মতে ;—
 কেমনে কহ জননি দণ্ডবিধি মাথে
 করি পদাঘাত, প্রভাকর সম জ্যোতিঃ,
 মম পিতার গৌরব ছবি, গ্রাসি তাহা
 আমি দৈতারূপে ? প্রজাপুঞ্জ কি ভাবিবে
 মনে ? নহিবে দেবতা পরিতুষ্ট তায় ।
 অতএব মাতঃ ! কর আশীর্বাদ, দেব-
 কৃপাবলে যেন, বিমল চরিত্রে, লাভ-
 করি জনকপ্রসাদ—স্বপ্নকালে । ভাই,
 স্নেহপূর্ণ নির্মল-পবিত্র-সুধাময়
 স্মিত্র সুধীর বীর, তুষিবে সকলে ;—
 বিদায় দেহ আমারে যাইব সত্বরে” ।

“কি বলিলি”, কছিল। মহিষী, “ও নিষ্ঠুর !
 যাইবি নিশ্চয় দেশত্যাগী হ’য়ে ?—ওরে
 সোণার বিজয় মম, আয় তবে তোর
 টাঁদ মুখ, ছেরি আমি জনমের মত !”
 এত কহি—“বিজয়, বিজয়, রে স্মিত্র
 বিজয়! সর্বাগ্রে এই, যাই দেখ্ আমি”—
 বলিতে বলিতে চাহিয়া যুগল পুত্র-
 পানে, তাজিল জীবন, মনোহুঃখে, তবে
 পুত্রবৎসলা, সতী জীবলী তখনি ।

“কি হ’লো কি হ’লো” রবে কঁাদিয়া বিজয় ;
 “ওমা, মা” বলি স্মিত্র লুটাল ধরণী ;

মস্ত্রীবর করাঘাত করিয়া কপালে
কান্দিতে কান্দিতে করে, দুজনে মাঝুনা ।।

কতক্ষণে কছিল বিজয়—“ কি কুক্ষণে
পামর কন্দর্প, বন্দী করিল আমারে—
যে কারণে নির্বাসিত আমি আজি ; নহি
দুঃখী তায়—কিন্তু, একে পাতকের ভরে
টল মল করিছে মস্তক মম—পুনঃ

একি সর্বনাশ—আমার কারণে মাতা
স্নেহময়ী, জীবন ত্যজিলা—মাতৃহত্যা-
পাপ স্পর্শিল আমায়—নাহি ত্রাণ কভু
এইবারে—প্রায়শ্চিত্ত নাহিক ইহার ।
হে দেব জগতাধার, শাস্তি সমুচিত
দেহ এ পাপীরে—অনুতাপে দগ্ধ হৃদি
হ’ক অনুক্ষণ ! ছায় গো জননি, তুমি
তাজিলে এ লোক আমা লাগি’; ক্ষণকাল
না রহিব আর এই নিদাকণ স্থানে !

যাও ভাই প্রাণের স্মিত্র, যথা পিতা,
ব’ল তাঁরে জানা’য়ে প্রণাম মম ; করি
শিরোধার্য্য আমি, আদেশ তাঁহার, মহা-
তরঙ্গ-সঙ্কল-মাগরে, ভাসিহ্ন সহ
বন্ধুগণ—মনের হরিষে—স্মরি নিজ
নিজ কর্মফল ;—কিন্তু প্রাণামার যায়
বাহিরিয়ে, স্মৃধাধার দয়াময়ী মার
তরে ; এ দুঃখ যাবে না মলে ! স্নেহভরে

এস ভাই আলিঙ্গন ক'রে একবার,
জুড়াই তাপিত প্রাণ; এস মঞ্জীবর,
অপরাধ ক্ষমি, দাও হে বিদায় মোরে—
অসহ এ দৃশ্য আর নারি সহিবারে ।”

এত বলি প্রণমিয়া পাত্র মহাশয়ে
মনেহে চুম্বিলা বীর স্মৃতি অধর ;—
অবশেষে জননীর চরণ দুখানি
রাখিয়া হৃদয়ে, নয়ন আসারে সিক্ত
করিল তাহায়—শোভিল রে কোকনদ
প্রভাত শিশিরে !—ক্ষণ পরে ক্ষিপ্ত প্রায়
উঠিয়া সত্বরে, সবেগে চড়িলা গিয়া
পোতের উপর ! হাহাকার শব্দ করি
কাঁদিলা সকলে । “ওহে কর্ণধার
ছাড় তরী বিলম্ব না ময়’,—বলি উচ্চ-
রবে ডাকিল কুমার—দেখিতে দেখিতে
তিন পোত ধীরে ধীরে চলিলা তখন !

হেন কালে “রহ রহ” বলি আচম্বিতে
হইল নিনাদ ;—ক্ষণপরে অমুরাধ
বন্দিল ত্রিবিজয়ের যুগল চরণ !
“একি সখে, ছি ছি, ওকি ! ক্ষম হে আমারে”
কহিলা বিজয়—অমুরাধে ধরি হুই
করে—“শুনিলাম যদি, প্রাণের বান্ধব,
তোমার নিষেধ বাণী, ঘটত না কভু
মর্ঘভেদী এ ভীষণ ঘটনা; অকালে

করাল-কাল, মম জননীয়ে প্রাসিত
কি আর ? সমুজ্জ্বল দীপ-শিখা, কেন হে
নির্কীর্ণিবে বল; শূন্য না হ'তে আধার ?
কেন বা এ কুলাঙ্গার দহিবে আঙুণে !”

উত্তরিল অমুরাধ—“বিধির এ খেলা
ভাই ঋগুিতে কে পারে ? রাজা দশানন
দেব-দৈত্য-ত্রাস, সবংশে নির্কংশ নর-
বানরের হাতে, হরি জ্বলন্ত অনল-
শিখাসম জানকীরে ; সুধাময় নারী,
কড়ু উগরে গরল—হায়, বুদ্ধি দোষে !
এবে লহ রূপা করি সঙ্কেতে আমায়
নাহি ধরি পূর্বকর কথা, বন্ধুবর ।”

“সে কি ভাই অমুরাধ” কহিলা বিজয়—
“নির্কাসিত তুমি হ'বে কি লাগিয়া ? তব
চরিত্র, নির্মল এ সুরধুনী সলিল-
সমান ! অপরাধী নহ তুমি, কি হেতু
এ দুর্কৃত্ত দল সহ তাজিবে আপন
জন্মভূমি ? আরো সখে, সুমিত্র, প্রাণের
অমুজ রহিল হেথা, দেখিবে তাহারে
বল কোন জন ? মাতা ভাতা হারাইয়ে—
কাঁদিলে প্রাণের ভাই সান্ত্বিবে তাহারে
তুমি, মমাতাবে । কেন ভাই স্ত্রী-পুত্রে বা
ভৃগুধে ভাসাইবে ?—নিহৃত্ত, রক্ষো আপনি ।”

“কি কথা বলিলে ? একা রব আমি দেশে ?

ধিক মোর প্রাণে ; প্রিয় জনে ! জীবনের
 জীবন আপনি, চলিলে কোথায় ! এই
 মক্কেত্রে কি করিব, যবে যাবে প্রাণ
 পিপাসায়, পীয য সমান তব সুখা-
 মাখা কথা বিনা ? পুত্র আমার ঐ দেখ,
 আনন্দে আপ্লুত হেরি মোরে ! আর দেখ
 ঐ তরণীতে প্রাণের প্রেয়সী আমার,
 গঞ্জতিছে মোরে, বিলম্ব দেখিয়া এত !
 অতএব লহ সখে চির-বন্ধু ভাবি—
 নূতন প্রদেশে । নবীন প্রণয়ে মিলি,
 এই দুঃসহ যাতনা পাশরিব সবে !
 রক্ষিবে ত্রিজগন্নাথ প্রাণের সুরমিত্রে ।

শুনি আনন্দে বিজয় আলিঙ্কিয়ে মিত্র
 অনুরোধে, আজ্ঞা দিলা কর্ণধারে, অতি
 সত্বর বাহিতে । পালিভরে চলে তরী—
 পে'য়ে সুবাতাস ;—দেখিতে দেখিতে হ'ল
 সিংহপুর দৃষ্টি বহির্ভূত, অট্টালিকা,
 উচ্চ মহীকহ গণ, হইল অদৃশ্য,
 যথা, ভগ্নতল-তরণি-মাস্তুল চয়
 সাগর গর্ভেতে—ক্রমে । অনতিবিলম্বে
 দেব বিভাবসু নামিলেন ধীরে ধীরে
 বিশ্রাম লভিতে, অন্তাচল চূড়ে ; যত
 দিগঙ্গনা বিবিধ রঞ্জিত বাস পরি,
 রঞ্জিল জলদ দলে—হেরি সেই শোভা,

স্পদ্বিনী-নারক হর্ষে দিল। আলিঙ্গন
 সে সবায়, প্রসারিয়া কর ;—অভিমাণে
 ঝাঁপিল বদন, সতী নলিনী অমনি ;—
 ক্রমে তমস্বিনী, ক্রোধে, তাড়াইলা হুষ্ঠা
 দিগন্ধনাগণে—কমল হুঃখে হুঃখিনী !
 ছ'ল ঘোর অন্ধকার, তথাপি চলিছে
 তরীত্রয় অবিভ্রাম, আকাশ হীরক,
 নক্ষত্র আলোকে, বিস্তারিয়া পাখা—যথা,
 গরুড়, খগকুলপতি, সহ জটায়ু-
 সম্প্রতি, ভ্রমিছে গগন মাঝে ! নগর,
 গ্রাম কত, উপবন, বন এড়াইয়ে
 গেল বারিরথত্রয়, নিশি শেষ হ'তে,
 না পারি বর্ণিতে । নাহি আর সে সকল
 সৌভাগ্য-নিশান ;—বদ্ধ-স্বাধীনতা সহ
 হায়, হ'য়েছে বিলীন এবে!—শোভিবে কি
 হুঃখিনী জননী আর, কভু সে শোভায় ?
 ভায়াদের একতা-বন্ধনে বিদরিয়ে
 যায় বুক ! কোথায় সাজার মা লভেন
 গঙ্গায় ?—ভারত তাই দহিছে অনলে !!

এ দিকে ভার্গবসুতা, ত্যজি অন্ন জল
 সেই কাল নিশা হ'তে ধরণী লুণ্ঠিতা
 হ'য়ে, আছে একাকিনী সতী ! অকস্মাৎ
 স্বস্বাকাশ হতে, বজ্রপাত কি কারণে ?
 পবিত্র সতীত্বে তাঁর কেন বা লাগিল

বিষম কলঙ্ক-কালি ? মধ্যাহ্নে কেমনে
 দীপ্তি হীন দিনমণি ?—ভাবিয়া আকুল
 বামা ;—ভাসিতেছে সরোজিনী নয়নের
 জলে ! সুকোমল কণ্ঠস্বরে কাঁদিতেছে
 সাধী, ভেদিয়া হৃদয়, করি হাহাকার ;—
 “ হা বিধে ! কেন হে ভাগ্যে একাল লিখন
 মম ? অন্তর্ধামী তুমি,—বল কি পাতকে,
 এই অসহ যাতনা দিতেছ আমায় ?—
 পারি সছিবারে শত-রশ্চিক-দংশন-
 জ্বালা ; কাল-ফণী পারি ধরিবারে ; কোন
 ক্লেশ নাহি গণি অনশনে ত্যজিবারে
 প্রাণ ; না ডরি কুলিশে, চূর্ণিত হইবে
 বাহে দেহ ; জ্বলন্ত অনলে অবহেলে
 পারি প্রবেশিতে ;—কিন্তু নাহি পারি, মম
 হৃদি-সরসী-কমল, সতীত্ব-দেবীরে,
 করিতে মলিনা—এ প্রাণ থাকিতে ! হায়,
 কি আছে পাপ ধরায়, রমণীর ধন
 ইহা সম ? বিধবা তাহাতে আমি, পতি-
 পুত্র-হীনা ; অন্ধকার-ময় নেত্রে, হেরি
 অবনীর্ অনর্থক গৌরব যতেক ;—
 সতীত্ব-আদিত্য মাত্র, নাশে সে তিমির-
 রাশি—এ আলোক-স্তুম্ভ ভবের অপার
 পারাবারে !—বিনা দোষে দোষী, ওহে আমি,
 জগদ্বন্ধু জগত জীবন ; অবিদিত

নহে তব কাছে । কিন্তু নাথ, পিতা মাতা
 গুরুজন যত, কি ভাবিবে তাঁরা ? কোন্
 মুখে চাহিব তাঁদের দিকে আমি ! সিক্তা-
 রাশি সঁম, ছেরিবে তাঁহারা হুঃখিনীরে—
 ভয়ঙ্কর—না জানিয়ে, হায়, অভ্যন্তরে
 মম, বহিতেছে ক্ষীর-প্রবাহ, স্মৃতিম্ভ
 অন্তঃসলিলা-বাহিনী যেমতি ! হায়, কে
 বল জানিবে জলের নীচে মুক্তাফল
 আছে স্মৃনিশ্চিত ? অতএব পিতঃ, কিবা
 কাজ এ প্রাণ রাখিয়া ? সতী-কলঙ্কিনী,
 জীবিত-মৃতের মত ! এই ভিক্ষা মাগি
 হে অনাথ-নাথ, এই আত্ম-হত্যা-পাপ-
 হ'তে যেন, পরিত্রাণ পাই দয়াময় !
 নিষ্কলঙ্কী এ কিঙ্করী তব, তব পদে
 লয় হে শরণ, পিতঃ কলঙ্ক-ভঞ্জন !

এত কহি নিষ্কাশিলা স্মৃতীক্ল ছুরিবনী
 বিদীর্ণ করিতে বক্ষঃস্থল, প্রভাবতী
 সতী । চাহিয়া আকাশ-পথে, তুলিলেন
 স্মৃকোমল করে, যম-সহচর-সম
 অস্ত্র ভয়ঙ্কর, প্রাণ বিসর্জিতে ;—হায়,
 কে বুঝে বিধির খেলা !—দেখ অকস্মাৎ,
 ত্রস্ত আসি হস্ত ধরি লুটাইলা পায়,
 বণিক-কিঙ্করী !—“কেন রে, মন্দভাগিনি,
 কেন নিবারিলি তুই, আমারে এখন—

বলু কিবা আছে মনে ! যত অলঙ্কার
মম, দিলাম সে সব তোরে ; ছাড় এবে,
নিত্য সখা সহ গিন্না, করিব মিলন । ”

কছিল দাসেয়ী—“ এবে জানিলাম, কত
নাহি লাগে কোন চিন্তা, হতাশনে,—সদা
সমুজ্জ্বল যিনি নিজ-ধর্মগুণে ! তাই
তুমি ! কি করিবে বল সৌদামিনী, যার
অর্থলোভে, দাবানল-সম, জ্বালিয়াছি
আহা, ভীষণ আগুণ, তব স্নেহমার-
হৃদয়-মাঝারে আমি !—দেহ গো ছুরিকা
মম করে ; এইক্ষণে সাক্ষাতে তোমার
তাজিয়া পাপ পরণ, লাঘবি কলুষে !

তার পর দাসী ডাকি সদাগরে, ভাসি
আঁখিনীরে, নিবেদিল যতক ঘটনা,
একে একে । শূনি মাধু কান্দিল বিস্তর
হুহিতার করে ধরি ; —না জানিয়া কষ্ট
কত দিয়াছে তাঁহারে, এই ভাবি । সতী
প্রভাবতী বিসর্জিল আনন্দাশ্রু, সিক্ত
করি পিতৃ-পাদ-পদ্ম,—শত ধন্যবাদ
সহ, প্রণমি মানসে, সেই রূপাময়
সদা সত্য-সহচর, জগৎ-ঐশ্বরে ।

পঞ্চম দিবসে তরীত্রয় উতরিল
আদি ঐশ্যক্ষেত্র সাগর সঙ্গমে । কিবা
যশোরথ সেই স্থান !—প্রসারি শতেক

বাহু যেন, রক্ত-বরণী গঙ্গাদেবী
 আলিঙ্গন করিছে সাগরে, আহা মরি !
 বার লাগি অলঙ্ঘ্য পর্বত, মরুক্ষেত্র
 নিবিড় অরণ্য আদি করি অতিক্রম,
 সহস্র সহস্র ক্রোশ এসেছে বাহিয়া,
 নাহি গনি ক্লেশ ! ধন্য, সতী-পতি-ভক্তি !—
 শোভিছে সে স্থল যথা, স্নানীল জলদ-
 আচ্ছন্ন-আকাশে খেলিতেছে একেবারে
 শত সৌদামিনী !—কিংবা, স্থলে জলে যেন
 বিবাদিছে নিজ নিজ অধিকার লাগি ।

চলিলা তরিকা-দল উর্ষিদল ভেদি—
 অকূল অর্ণবে ছেলিতে ছুলিতে, করী-
 দল যথা, দলিয়া কমল বন ! ক্রমে,
 অনলের আভা-সম জল রাশি হাতে
 প্রকাশিল পূর্বাদিক ;—দূরে শক্রধনু
 যেন, উদিল অধুতে ঈষদ রঞ্জিয়া
 তরঙ্গ-কুলের অপ্রভাগ ; সেই ক্ষণে
 দেখিতে দেখিতে লোহিত বরণে, শোভা-
 পূর্ণ প্রভাকর হইল প্রকাশ, স্বর্ণ-
 অলঙ্কারে বিভূষিয়া সাগর শরীর !
 পালিদণ্ড যত, বায়ুক্ষীত-শুভ্র-পালি
 সহ, শোভিলা যথা, রক্তাঙ্গ পিণাকী
 শঙ্কর ! এবে একদিক তার রঞ্জিয়া
 স্বর্ণ করণে ভাঙ্গ দেব, হরগৌরী-

মূর্তি প্রেমময়, করিলা প্রকাশ ! ইহা
 হেরি মুগ্ধ হ'য়ে বায়ু কুলেশ্বর, সম-
 ভাবে আহা, লাগিল বহিতে, রক্ষিবারে
 সেই নেত্রানন্দ-প্রদ, সুন্দর মুরতি ।
 কিছুকাল পবনের এ প্রসাদে, পোত-
 দল ছুটিলা নক্ষত্র-বেগে ;—হর্ষচিত্ত
 সর্বজনে পামরিয়ে পূর্বকার দুঃখ !
 সুখ দুঃখ ক্ষণ-স্থায়ী মানব-জীবনে ।
 এইরূপে চলিতেছে সপ্ত-দিবা-নিশি
 বারিধি-হৃদয়ে, সে অর্ণব-রথ-দল
 নৈঋতাভিমুখে—হেন অনুমানি, পাণ্ডা,
 কিংবা ছোল রাজ্যে, স্বপ্নকাল পরে, রবে
 স্থাপিয়ে উপনিবেশ, পৌছি যুবা যত ।

বুঝিতে পারিয়া দেব ত্রিদিব ঈশ্বর
 আদেশিলা দেব প্রভঞ্নে—“ যাও দেব
 অনুচর দলে তব, রাখহ একত্রে
 মাজাইয়ে ; পরে উদীচী দিকেতে যবে,
 হেরিবে আমারে নভো-গজাক্রত ঘন
 ব্যোম-ধুমারত ; বহিবে তুমুল ঝড়,
 ঘোর রবে কাঁপাইয়ে দিক দশে ;—লক্ষা-
 ধামে আমি লইব বিজয়ে । সঙ্গে লয়ে
 তুমি যত যুবক-সন্তানে নাগদ্বীপে
 দিবে রাখি ; রমণী যতেক, স্মৃত্যনে
 লইবে মহীন্দ্রে (১) । শাপত্রফ সছচর

(১) দ্বীপ বিশেষ ।

সহচরী মম, তারা ; স্বপ্নকালে পাঁবে
স্থান অমরাবতীতে, ত্যজি দেহ । পরে,
যবে রাজপুত্র সহ বন্ধুগণ, পূর্ণ
কালে, মাধিয়ে দেবের কার্ষা, আসিবে এ-
স্থলে ; মিলিবে সকলে স্মৃথে । ” এত শুনি
গেলা চলি অঞ্জনা-রঞ্জন বায়ুপতি !

দেখিতে দেখিতে, বায়ু বিনা গতি-হীন
তরীত্রয় ! পালি বস্ত্র, শিথিল ক্রমেতে—
পড়িলা ঝুলিয়া ওই ! পয়োনিধি যেন
নিদ্রিত আপনি—চলে না তরণী আর !

ডাকিয়ে নাবিক দলে বাহিতে বলিল
কর্ণধার ;—পলক পড়িতে, সারি সারি
নৌদণ্ড পড়িলা নিথর জলে, চেতন
করিতে যেন, ঘুমন্ত সাগরে ! পুনশ্চ
চলিলা ধীরে তরণী নিচয়, কাটিয়ে
জল, কল-কল রবে ; কোটা কোটা মুক্তা-
ফল লাগিল ফলিতে দণ্ডের আঘাতে ;—
বর্ণের আকর বিভাকর, উজলিলা
সে সকলে—হেরি জুড়ায় নয়ন মন !

ক্রমে অংশুমালী-দেব অগ্নিমালী হ'য়ে
অসহ আগুণ জ্বালি লাগিল দহিতে
মাল্লা দলে । শ্বাস-কদ্ধ যেন বায়ুবর !
ঘর্ষাক্ত শরীর, ম্লান-মুখ, ঘন-শ্বাস-
বাহী দাঁড়ী যত, মরিতে মরিতে তবু

তুলিছে ফেলিছে দাঁড় সবে । সে সবার
 মুখ হেরি, বিজয়ের দয়া উপজিল ;
 স্নেহাত্ম-হৃদয়ে, বিশ্রামিতে ক্ষণকাল
 করিলা আদেশ ;—নিমেষে সকল দণ্ড
 উঠিল নৌকায়—অচল সমান জল-
 যান, অচল হইলা ! নিস্তল্ল সকল ;
 কোন জলচরে, নাহি হেরি কোন স্থানে !

তার পর সূর্য্যদেব ডুবিতে সাগরে
 নামিল পশ্চিম দিকে, তথাপি নির্বাত
 হেতু গুণমট প্রবল ! জলরাশি যেন,
 জ্বলন্ত অনলোত্তাপ, ছাড়িছে নিশ্বাস ;
 বায়ু প্রাণ, অস্থির সকল প্রাণী, সেই
 নিদাক্ষণ নিদাঘ-দলনে, ভয়ঙ্কর ।

কুম্ভবর্ণ রেখা কিবা যেন, হেন কালে
 উদ্ভিলা উদ্ভীচীদিকে—ক্রমে ধূমাকার
 ধরি সেই লাগিল বাড়িতে!—ও কি মেঘ ?
 ওই না কি চমকিলা ক্ষণপ্রভা-সম ?
 বলিতে বলিতে গগনার্জ সমাচ্ছন্ন
 ঘোর ঘন-ঘটা-জ্বলে, একেবারে !
 প্রলয় ঝড়ের শব্দ ধ্বনিল শ্রবণে—
 পার্ব্বত সমান জল নাচিল স্তূপে !

“ সামাল সামাল ” উঠিল মত্তরে রথ ;
 নাবিকের দল, ত্রস্ত আসি রমা রমী
 লাগিল খুলিতে—নামাইলা পালি, ছোট

বড়, মুহূর্ত মধ্যোতে ; কর্ণধারগণ
 সূদূরে লইল নিজ নিজ তরী ; মাল্লা
 যত কোমর বান্ধিয়া, কাণ্ডারী কটাক্ষ
 লক্ষ্য করি, রহিলা প্রস্তুত। ততক্ষণে
 নিবিড় নীরদ রাশি ছাইলা আকাশ ;
 পলাইলা প্রভাকর পয়োনিধি-তলে ;
 ঘোর গভীর নিশ্বনে বহিলা বিবম
 ঝড় ; আক্ষালিলা ক্রোধে অধুরাশি—উচ্চ
 শব্দবর-সম উর্ষিকুল উল্কে উঠি
 অঙ্গ ফুলাইয়ে, রোধিতে লাগিলা ভীম
 প্রভঞ্নে ;—মহা শব্দ উঠিলা সে কালে,
 পিতৃ-বৈরী হেরি ঘন-দল, কড় কড়ে
 নিনাদিয়ে বজ্রনাদ, প্রকম্পনে তীক্ষ্ণ
 বাণ-সম, লাগিলা বিক্লিতে মুষলের
 ধারে, বরষি অজস্র জল ; বড় বড়
 করকা নিচয় লাগিল পড়িতে, চূর্ণি
 পবন দেবের দেহ ; কভু বা দঙ্কিতে
 লাগিল তাঁহারে, ক্ষণ-প্রভা মেঘাণ্ডন !
 মহাঘোর দস্তোলি-নির্ঘোষ শুনিলেন
 মুরজা দেবী রত্ন গৃহে বসি, অতল
 জলের তলে ! সবার হেরি শক্রভাব,
 কোপিলা খসন—মহান ঘোর নিশ্বনে
 বীর, লাগিল বহিতে, ঘুরাইয়া যত
 মেঘ দলে—উড়াইয়া রুষ্টিধারা—উর্ষি-

কূলে আছাড়ি সবলে ; কার সাধ্য রোধে
 গতি তাঁর, বীর অজেয় জগতে ! ক্রমে
 বাড়িল বিকট অন্ধকার ঘোরা নিশা
 আগমনে, নাহি হেরি কিছু, জগতের
 এই অসীম সৃষ্টিতে !—হইল প্রলয়
 একি ? সূর্য্য চন্দ্র তারাকুল পাইলা কি
 লয় ? না—ওই যে চটুলা চমকি, দিলা
 সব দেখাইয়া ! ঘোর বজ্রনাদে কর্ণ
 গেল বিদারিয়ে ! পুনঃ তমোময় ঘোর,
 কিছু না হেরি নয়নে ; কাঁপিছে হৃদয়
 মাঝতের অশনি অপেক্ষা অতি ভীম
 হুহুকারে —তায় জলের কল্লোল মিলি,
 ভয়ঙ্কর মহা প্রলয়ের রোলে, বিশ্ব
 কাঁপিতে লাগিল যেন ! এইরূপে মহা
 তোল পাড়, উলট পালট ঝড় ; সৃষ্টি
 অবিশ্রাম ; ঝন ঝন ঝঞ্জনা নিনাদ ;
 ভীষণ সিদ্ধু গর্জন ; ধনিল জগতে
 মহা রবে সারানিশি ! নাহি জানি গেল
 কোথা, সুসজ্জিতা বারি-রথত্রয়, ল'য়ে
 বৃকে করি, আছা মরি, কত যে অমূল্য
 ধনে—নির্দোষি অবলাকুল, আর শত
 শত জীবন-অকুর, সুকুমার শিশু !

প্রত্যাষে পর দিবস, কল্পনা-সুন্দরী
 সাথে হেরিহু অদ্ভুত দৃশ্য—শিহরিয়া

উঠে প্রাণ, স্মরিলে সে কথা! স্বর্ণ-লক্ষা
 (নহে এবে) উপকূলে দেখিলু বিজয়ে,
 সপ্তশত-বীর-বৃন্দ, আর মান্না কত
 ধরণী লুণ্ঠিত, করিছে রোদন। তরী
 বিজয়-বাহিনী, কা'ল এতক্ষণে কিবা
 মৌহিনী সজ্জায়, বিস্তারিয়া পাখা, দস্তে
 করিছে গমন সিন্ধু-মাঝে!—বিচ্ছিন্না সে
 এবে, ভগ্না নানা স্থানে—কোথা গেছে
 পালি, কোথা পালি দণ্ড, কোথা ছই, কোথা
 কর্ণ, কিছুই না জানি? অর্ধ-পূর্ণা জলে
 আড় হ'য়ে র'য়েছে পড়িয়া—যেন শোকে,
 কাঁদিছে যুবকগণ সহ! কিন্তু, কোথা,
 রে অভাগি, সখীদয় তোর! হৃদে যার
 অপোগণ্ড শিশু, আর অবলা অধনা-
 গণ ছিল রে বিরাজমান? কোথা তারা
 এবে? তবে কিরে নির্দয়, নির্ভুর রক্ষঃ-
 সম এই নৃশংস জলধি গ্রাসিয়াছে
 সে সবায়? তাহাদের সনে, আর কিরে
 জন্মে না হ'বে দেখা?—বলিবে কপ্পনা।

ওই শুন ডুকরি কাঁদিছে, হারাইয়া
 নিধি পয়োনিধি মাঝে, যুবক সকলে,—
 “ হা বিধে, কেন বা মম এই ছার প্রাণ
 জীবন্ত এখন, বিসর্জিয়ে প্রাণাপেক্ষা-
 প্রিয়তমা প্রেয়সীরে, আর নবনীত-

নিভ কোমলাঙ্গ পুত্রবরে !” বিলাপিছে
 কেহ এই কথা বলি । “উহঃ যায় প্রাণ !
 হা প্রিয়ে, আসিয়ে দেখা দেহ একবার ;
 কি দোষে তাজিলা বল এই অভাজনে ?”
 হা পুত্র প্রাণের পাখি—মধুমাখা কথা
 ক’য়ে বাপ, জুড়া রে পরাণি !” বলিতেছে
 কোন জন, নিশ্বাসেতে ভেদিয়া পাষণ ।
 সাগর সলিলে কেহ বিসজ্জিতে প্রাণ,
 ধাইলা সুরবেগে,—নিবারিলা অশ্রু তাহে,
 কান্দিতে কান্দিতে । সেই দুঃখে দহি সেই
 জন,—হায়, সবার ঘটেছে সম দশা !

হেন কালে জলে—হেরি আশ্চর্য্য সকলে—
 সারি দিয়া শিশু কোলে করি, সম্ভরিছে
 যুবতী কতকগুলি, মস্তক তুলিয়া
 অদুরে ! হায় রে, বিধির সৃষ্টি কে পারে
 বুঝিতে ! এঁরা কি আহা, পাইয়াছে ত্রাণ
 কালের কবল হ’তে ?—বিস্ময় মানিয়া
 কয়েক যুবক ডিঙ্গা বাহি রক্ষিবারে
 চলিলা সত্বরে, শিশু ও অবলা-গণে ।
 ছুটিল রমনীগণ তরণী হেরিয়া,
 সিদ্ধুমাঝে ! বাহিল যুবকগণ করি
 প্রাণপণ ; কিন্তু হায়, বাইতে নিকটে
 পুচ্ছ দেখাইয়া সবে, ডুবিলা সাগরে !
 অধোমুখে তটে ফিরি আইল সকলে

তীক্ষ্ণ-শেলসম-শোক বিক্লিলা বিষম ! (১)

সাশ্রু আঁখি জড়প্রায় উঠিয়া বিজয়
কহিলা সবার প্রতি—“আমার কারণে
প্রিয়-বন্ধুগণ, দেশত্যাগী তোমা সবে!—
ভূবিলা সমুদ্রে আশা লাগি, তোমাদের
হায়, প্রাণের প্রতিমা!—নিঃসন্তান আরো
হইলে পাপিষ্ঠ হেতু—ধিক্ ধিক্ মোরে !

(১) মিগাস্কিনীস্ লিখেন যে, তাপ্রবেণী (তাম্বুপানি অর্থাৎ লঙ্কা) দ্বীপের নিকটস্থ সমুদ্রে সাগরান্ননারা (Mermaids) বিচরণ করে ! আরবদিগের মধ্যেও ইহার প্রবাদ আছে ; এবং অক্ষদেশেও ইহার কথা অনেকেই শুনিয়া থাকিবেন ; ফলতঃ এমন কখনই হইতে পারে না যে, ইহার মূলে কিছুই নাই। প্রকাশিত হইয়াছে, সিংহল-উপকূলে দুগঙ্গ (Dugong) নামে এক প্রকার জলচর আছে, যাহাদের মুখাবয়ব কথাঞ্চিৎ মনুষ্য-মুখের ন্যায় ; এবং স্তন প্রভৃতিও মনুষ্যাকারে গঠিত ; ইহাদিগের অপত্য-স্নেহ অতি প্রবল ; এবং ইহারা শাবক লইয়া হৃদয় পর্য্যন্ত ভাসাইয়া যখন সন্সরণ করে, দূর হইতে, ইহাদিগকে তখন মানুষী বলিয়া উপলব্ধি হয়। ১৫৪০ খৃঃ মানোয়ার প্রণালীতে ইহার ৭টা পুত্র হইয়া গোয়াতে প্রেরিত হয়, যথায় দিমাস বোসকেজ্ (Demas Bosquez) ইহাদিগের শরীর ব্যবচ্ছেদ করিয়া মনুষ্যের অভ্যন্তরীণ গঠনের সহিত সোসাদৃশ্য দর্শন করিয়াছিলেন। একটা মৃত দ্বিগম (?) ১৮৪৭ খৃঃ সন্ন উইলিয়ম টেনেণ্টের নিকট প্রেরিত হইয়াছিল, ইহা দৈর্ঘ্যে ৭ ফুট—কিন্তু ইহা অপেক্ষায়ও ইহাদিগকে বৃহৎ দেখা যায়।

এ পাপ পরাণ এখন নাহিরু গোল
এ দেহ-তাজিয়া ! মা আমার বিমর্জিলা
প্রাণ !—সেই পাপে অর্হিনিশি জ্বলিতেছে
হুদি—পুনঃ এই সর্কনাশ আমা হ'তে !—
কেমনে এ পাপ-পঙ্ক মাঝে পাই ত্রাণ,
না জানি উপায় ! থাকিলে জীবিত, কত
নব নব কনুষেতে কনুষিবে প্রাণ,
না পারি বলিতে—পাপ-প্রতিমূর্তি আমি !
অতএব কি কার্য রাখিয়া তুচ্ছ প্রাণে,
এখনি ডুবিব আমি সাগর সলিলে !
ক্ষম অপরাধ, প্রিয়ামাতাগণ, এই
নির্দয় পামরকৃত যত ; জনমের
যত দেহ ছে বিদায়, দুঃস্বা বিজয়ে । ”

এত কহি চলিলা কুমার তবে তনু
তাজিবারে, সংবরিয়া অশ্রুবারি—অগ্নি-
শিখা সম অহুতাপ যেন, শুষিল সে
নয়নের জলধারা !—গম্ভীর ভাবেতে ।
“ সে কি, একি সর্কনাশ হায় ”—বলি সবে
উঠিলা দাঁড়য়ে ; ত্রস্ত অনুরাধ ধীর
ধরিলা বিজয়ে । কহিতে লাগিলা মিত্র,
স্থির হও প্রাণমখে, না হয় উচিত
তব তাজিতে সকলে ; স্রুকাণ্ড বিহনে
শাখাচয় জীয়ে কতক্ষণ ! আর শুন,—
পরামর্শ করি, সবে মিলি হ'য়েছে যে

কাজ, দোষী সবে তায় ; আপনি তাজিবে
প্রাণ বল কি লাগিয়া ? যদি একান্ত হে
প্রিয়তম এই তব পণ, চল তবে

সকলে মিলিয়া নিমজ্জি সিন্ধু-সলিলে !—

বাসনা কাহার বল, হারাইয়া দারা-
অত—পুনঃ তোমা হেন প্রাণের বান্ধবে,

বাঁচিতে বিজন এই দেশে ? ক্ষণকালে

এ সৌর জগত—গ্রহ, উপগ্রহ আদি

ধূমকেতু—বিধ্বংস হইবে, সূর্য্যদেব

কেন্দ্র-ভ্রষ্ট হ'লে ! তুমি এ সবার প্রাণ,

সকল আঁধারময় হ'বে তোমা বিনা ! ”

“ সাধু সাধু ” বলি সায় দিলা অনুরোধে

যত মিত্রগণ । “ এ'স আলিঙ্গন সবে

করি পরস্পরে, হাসিতে হাসিতে তাজি

প্রাণ, দেখা করি প্রাণ-প্রিয়-জন সহ”—

এত বলি মাতিল সকলে—যমপুরী

আক্রমিবে যেন, হেন লয় মনে !

প্রমাদ গণিয়া দেব-শচীপতি আজ্ঞা

দিলা, দেবী দৈববাণী প্রতি, প্রার্থোধিতে

সে সবার অমিষ্ট ভাষায়, অমধুর-

স্বরে । তখনি অমনি দেবী লুকাইয়া

বরবধু শুভ্র-মেঘ-আড়ে, এই কথা

অধায় ভাষিলা,—“ শুনহ সকলে—বুথা

না করিহ শোক আর ; তোমাদের পঙ্কী-